

四庫全書

集部

欽定四庫全書

補注杜詩卷五

宋 黃希 原本

黃鶴 補注

貽阮隱居

昉

乾元元年作

補注

乾鶴曰以塞上得阮生當是公自華之秦作
乾元元年秋冬間詩云塞裳踏寒雨是也

陳留風俗衰人物世不數

所矩切洙曰晉書阮籍字嗣
宗陳留尉氏人也父瑀魏丞

相掾子渾姪咸咸子瞻弟孚咸從
子脩孚族弟放放弟裕皆陳留人
補注鶴曰陳留郡乃

隴乃阮之所隱而陳留
即其父祖之所出也
塞上得阮生迥繼先父祖貧知

靜者性白益毛髮古

修可曰謝靈運過始寧墅詩云還得靜者便

車馬入鄰

家蓬蒿翳環堵

洙曰江文通詩顧念張仲蔚蓬蒿滿中園莊子庚桑楚篇鑿垣墻而殖蓬蒿記

儒行儒有一畝之宮環堵之室張景陽詩環堵自摧毀

清詩近道要

趙曰傅咸贈崔伏詩人之

好我贈識字用心苦

洙曰劉棻嘗從揚雄學作奇字劉歆觀之泣曰空自苦宋曰昉善篆

隸故

尋我草逕微褰裳踏寒雨更議居遠村避喧甘猛

虎

魯曰沈休文詩避世非避喧

補注

希曰晉郭文少愛山水遊名山歷華陰之崖又關山中窮谷無

人之地倚木於樹箬覆於上而居焉無壁障時猛獸為暴入室害人而文獨宿十餘年卒無患害

足明

箕穎客榮貴如糞土

洙曰陸士衡云徐翰少無宦情有箕穎之心晉語王帛猶糞土也愛

惜冀土以毀五常無乃不可乎箕山名潁水名許由巢父隱處也師曰識字用心苦時昉踏雨尋訪甫議欲遠引深遁謝絕當世不接喧囂雖饒猛虎所甘心也甫謂其真有箕山潁水之節視榮貴如糞土然

遣興三首

乾元二年作

補注

如鶴曰塞上指秦州以鄴中事反覆死人積

二年秦州作

下馬古戰場四顧但茫然

洙曰蘇子卿行役在戰場蘇曰徐昕過洛汭無復見當日

五侯第宅馳馬四顧茫然嘆息

風悲浮雲去黃葉墜我前朽骨穴螻蟻

洙曰老子其人已死其骨已朽陸機挽歌豐肌饗螻蟻修可曰莊子在上為鳥鵲食在下為螻蟻食舊注引陸

士衡詩蓋出於此

又為蔓草纏洙曰江淹恨賦試望平故老行

嘆息今人尚開邊

洙曰嚴助傳武帝時征伐四夷開置邊郡蘇曰秦彭過五原見白骨蔽野

駐馬嗟嘆久之曰今人不能艾民瘡痍尚思興師開邊豈不憫黎民之性命乎

漢虜互勝負封

疆不常全

洙曰霍去病云漢匈奴相紛拏殺傷失當秦曰孫子一勝一負兵家常事

安得廉

恥一作頗

將三軍同晏眠

師曰肅宗已平祿山思明猶據鄴南意欲專事鄴城奈何肉食

者謀不臧尚與吐蕃再戰故甫欲得廉頗不邀功之將唯務安邊與三軍晏眠不生事可矣

高秋登塞

一作寒

山南望馬邑州

洙曰前漢地理志馬邑屬雁門郡晉太康地記

秦時建此城輒崩不成有馬周旋馳走反覆父老異之因依以築城遂名為馬邑韓安國傳匈奴來請和親大

行王恢議擊上以恢議陰使馬邑豪聶翁壹為間亡入匈奴謂單于曰云云於是單于穿塞將十萬騎入武州塞當是時漢伏兵三十餘萬匿

補注

鶴曰舊注謂馬邑

馬邑旁谷中單于覺之還去

漢志而唐志代州雁門郡却不言而於成州謂有靜戎軍寶應元年徙馬邑州於鹽井城置代屬河東而成屬隴右而徙置如此何也又唐地理志羈縻州內有馬邑州屬隸秦州開元十七年置在秦成二州山谷間寶應元年徙於成之鹽井故城此詩

降虜東擊胡壯健盡不

留

洙曰時回紇助順收復京師遂進收東都蘇曰匈奴寇邊韓安國悉師向北少年拒敵惟老弱留守城邑

穹廬莽牢落

洙曰匈奴傳匈奴父子同穹廬卧師古曰穹廬游牧帳也其形穹隆故曰穹廬

上

有行雲愁老弱哭道路願聞甲兵休

洙曰賈捐之傳朱崖反發兵擊之諸

縣更叛連年不定上與有司議大發軍捐之建議以為
不可曰當此之時寇賊並起軍旅數發父戰死于前子
鬪傷于後女子乘亭障孤兒號道路老母寡婦塗泣巷
哭上以問丞相子定國對以關東困乏民難搖動捐之
議是上議從之鄴中事反覆死人積如丘洙曰事反覆一云何
反覆不足怪蘇曰馬良曰連年兵火尸積如丘趙曰兩
京雖復平矣而賊猶保相州既圍復解則士卒傷死可
知矣鄴中補注鶴曰通鑑乾元元年安慶緒北走其王
乃相州也疎字文寬皆殺其使者來降慶緒使其
將蔡希德安太清拔之生擒高子鄴市凡有謀歸者皆
誅及種族乃至部曲連坐死者甚衆又慶緒走子儀等
追之至鄴慶緒又敗前後斬首三萬級慶緒入城固守
求救於史思明思明乘崔光遠初至魏州引兵大下陷
魏所殺三諸將已茅土載驅誰與謀洙曰李陵與蘓武
萬人故云書陵為足下當享

茅土之荐策文錫君玄土首以白茅師曰鄴中叛服不
常人死如丘山万有一有變諸將已富貴各顧私家誰與
國家謀事哉此補注希曰已茅土不謂李郭皆封王如
甫為朝廷憂也補注封朔方大將軍孫守亮等九人為
異姓王李商臣等十
三人為同姓王是也

豐年孰云遲甘澤不在早

洙曰陸機雲賦甘澤霽霈曹
子建詩良田無晚歲膏澤多

豐年耕田秋雨足

補注鶴

曰按史乾元二年春旱故云甘
澤不在早是年秋雨足而禾黍茂

故因以喻當時衡州之士
此詩當是其年秋晚作

禾黍已映道

蘇曰趙益云桑
麻蔽天禾黍映

壟春苗九月交顏色同日老勸汝衡門士

時可曰詩衡
門之下可以

棲遲注橫木為門
蓋貧者之居也

勿悲尚枯槁

洙曰莊子
枯槁之士

時來展材力

先後無醜好

師曰此喻衡茅之士久困一旦遇時立功以取富貴安問其先後之不同邪甫意勉

久困之士譏驟進立功者不足為貴

但訝鹿皮翁忘機對芳草

洙曰列仙傳鹿皮翁

者菑川人也少為府小吏機巧舉手能成器械岑山上有神衆人不能至也小吏白府君請木工斧斤三十人作轉輪懸閣意思叢生數十日梯道四門成上其巔作茅舍自止其傍

昔遊

乾元二年作

補注

鶴曰此詩殆是記昔時遊齊宋中之事中云胡為客關塞道意久衰薄當在乾元二

年秦州作雖云在秦州作意是紀昨遊王屋語也

昔謁華蓋君綠袍崑玉脚人棺已上天白日亦寂寞

洙曰

後漢方術傳王喬為葉令後天下玉棺于堂前吏人推
排終不搖動喬曰天帝獨召我邪乃沐浴服飾寢其中
蓋便立覆宿昔葬于城西其夕縣車牛皆流汗
喘乏而人先知者百姓乃為立廟號葉君祠暮升良岑

頂

洙曰良岑東
北之岑也

巾儿猶未却弟子四五人入來淚俱落

余時遊名山發軔在遠壑

洙曰離騷朝發軔于蒼梧又朝發軔于天津

良覲

遠夙願

洙曰謝靈運詩
引領冀良覲

含淒向寥廓林昏罷幽磬竟夜

伏石閣王喬下天壇微月映皓鶴

洙曰嵇康琴賦王喬披雲而下墜天台賦

王喬控鶴以冲天王喬傳或云即古仙人王子喬也劉
向列仙傳王子喬周靈王太子晉也好吹笙作鳳鳴遊
伊洛間道士浮丘公接上山三十餘年後來於山上告
栢梁曰告我家七月七日待我緱氏山頭果乘白鶴駐

山頭望之不得到補注鶴曰天壇山晨溪嚮虛駛鄭曰

舉手謝時人而去切駭馬日歸徑行已昨豈辭青鞋趙曰青鞋山行之具跼足病也莊子

手足胼胝悵望金七藥東蒙赴舊隱洙曰東蒙山名昔者補

注希曰蒙山在沂州高士傳老萊子隱居于蒙山尚憶

之陽禹貢蒙羽其藝是也瀕東海故曰東蒙

同志樂伏事董先生洙曰董先生董京威也行吟常宿

自於今獨蕭索胡為客關塞道意久衰薄蘇曰吳持道

氣覺衰歎妻子亦何人丹砂負前諾洙曰晉葛洪求勾雖悲

髮髮變洙曰一云鬢髮變謝玄暉詩有倩知望卿誰能

髮髮不變詩鬢髮如雲趙曰髮之黑者曰鬢鬢髮

變言變而為白也

未憂筋力弱杖藜望清秋有興入廬霍

洙曰杖一

作扶一云衡謝靈運詩游當游羅浮行必息廬霍江淹擬靈運詩平明登雲峯杳與廬霍絕

補注希

廬山在九江霍山在衡陽爾雅霍山為南岳釋曰南方在霍霍之義護也言太陽用事護養萬物也又云衡山一名霍言萬物霍然大也衡之與霍一山而有二名

幽人 乾元二年作

洙曰易履卦履道坦坦幽人貞吉又陸士衡詩幽人在浚谷

補注

鶴曰以五湖復浩蕩

歲事有餘悲意是大歷三年出峽歲晚至岳陽作舊編在秦州詩內公在秦止數月以乾元二年十月復秦州入同谷歲暮入蜀若在秦作不應有歲暮有餘悲之句

孤雲亦羣遊神物有所歸

洙曰有一作識陶淵明詠貧士詩萬族各有託孤雲獨先

依麟鳳在赤霄何當一來儀

洙曰書鳳凰來儀漢書麟鳳在郊數張協七命掛歸

翻于赤霄之表趙曰張茂先鷦鷯賦序彼鷺鷥鷦鷯或凌赤霄之際則鳳言赤霄宜矣然麟亦謂之在赤霄學

者多疑之殊不知徐陵之生寶誌曰此兒天上石麒麟自天而降亦宜在赤霄矣

往與惠詢輩

中年滄洲期

歐曰惠詢輩謂惠遠許詢也修補注希曰

以為惠遠許詢為惠詢師注以惠昭詢珏為惠詢雖未能辨然詩言蓬萊池扶桑日與夫把東皇衣皆是言東

遊時恐惠遠許詢之說非

天高無消息棄我忽若遺

洙曰詩谷風將安將樂棄予如

遺郭泰機衣工秉刀人棄我忽若遺

內懼非道流幽人見

瑕疵洙曰傳七年傳不汝

疵瑕

洪濤隱語笑

洙曰曹植汎舟越洪濤晉王

鼓柁蓬萊

池

洙曰孫楚賦舟人鼓柁而揚波史漁父鼓柁而去蘇

曰方鰥曰吾將吞燕日月光華鼓柁遊蓬萊酌天醴

玄漿還源反腦為世外人

補注希曰子虛賦揚旌柁張

青衫木版非吾所好也

音崔嵬扶桑日洙曰山海經曰日出暘谷浴于咸池拂于扶桑

照耀珊瑚枝洙曰

梁元帝馬詩照耀珊瑚鞭趙曰珊瑚出

于海底石上有五色故曰所以照耀風帆倚翠蓋暮

把東皇衣

洙曰屈平九歌有東皇大張平子東京賦翠羽之高蓋

嚙漱元和津洙曰

天台賦漱以華池之泉孝祥曰黃庭經曰口為玉池太和官漱咽靈液灾不干注云口中液水為玉津又中皇

經曰但服元和除五穀必獲寥天

所思烟霞微知名未

足稱局促商山芝

定功曰皇甫謐高士傳四皓作歌曰莫莫高山深谷逶迤嚙嚙紫芝可以

療飢修可曰漢武帝曰局促效轅下駒

五湖復浩蕩歲暮有餘悲

景陽詩

歲暮懷百憂師曰幽人乃幽隱之士按唐史拾遺惠昭荀珣與甫友善常以詩相唱酬甫此詩思之故以二子自為幽人取易幽人貞吉之義神物龍也龍翔而雲從喻聖人出而賢人應之鳳之為物有道則見今雲未遇神龍鳳不遇有道之世雲則無所歸鳳則不來儀是以賢人幽隱此其時也海上有十洲乃神仙所居滄洲是其一也甫往與二子約中年功名成遂為滄洲之遊自別以來悄無消息殆恐二子以予信道不篤見疵於予是以棄我若遺而無所思也自洪濤隱語笑以下皆叙滄洲之興甫意謂若與惠詢輩遊滄洲則必鼓枻以拂扶桑之日映照珊瑚之枝順風掛帆輕倚翠蓋挹東皇漱元氣隱於煙霞之表雖功名赫赫未足為稱雖四皓

歌紫芝猶為局促奈何言不相副今復飄泛五湖尚為羈旅况年以衰暮將與物化豈不為之悲傷乎

佳人 乾元二年作

師曰詩簡兮刺不用賢云彼美人兮西方之人兮蓋言賢者有佳美之德此詩亦以佳人喻賢者若用新進少年至於踈棄舊臣甫寓意有此作非獨為佳人之什讀者可以意會

補注

鶴曰此詩乾元二年在秦州作甫自謂也亦以傷關中亂後老臣凋喪也

絕代有佳人

洙曰李延年歌曰北方有佳人絕代而特立

幽居在空山

一作谷

洙曰詩皎皎白駒在彼空谷

自云良家子

洙曰趙充國傳六郡良家子

零落依草

木補注

希曰阮嗣宗詩零落從此始魏文帝書曰數年之間零落殆盡

關中昔喪敗

云一

喪兄弟遭殺戮官高何足論不得取骨肉

蘇曰崔弘礫於市骨肉不

得收

補注

希曰前漢韓延壽傳民有骨肉爭訟南史王懿傳北土重同姓謂之骨肉有遠來相投者

莫不竭力營贍續漢書冬十月骨肉合飲食於祖廟

世情惡衰歇萬事隨轉燭曰蘇

徐邈萬事興衰轉燭相似何必計較

夫婿輕薄兒

洙曰沈休文詩長安輕薄兒

新人美

如玉

洙曰一云已如玉古詩燕趙多佳人美者顏如玉

合昏尚知時

定功曰本草云合歡

即夜合也人家多植庭除間一名合昏陳藏器曰其葉至昏即合故曰合昏趙曰佳人自怨之辭言物

之有合有偶而人之不若也天覺曰周處風土記云合昏槿也孝祥曰陸倕利漏銘曰合昏暮捲莫英朝開

鴛鴦不獨宿

洙曰詩鴛鴦于飛鄭氏婚禮謁文贊曰鴛鴦鳥雌雄相類飛止相隨趙曰崔豹古今

注曰鴛鴦鳥類也雌雄未嘗相離但見新人笑那聞舊人得其一一思而死故謂之匹鳥

人哭

趙曰李白亦云新人如花雖可寵人似玉猶來重

在山泉水清出山泉水

濁

趙曰此佳人怨夫之辭逸曰晉孫綽蘭亭詩序曰古人以水喻性有旨哉斯談非以澄之則清混之則濁

耶情因所習而遷移物因所遇而感興

侍婢賣珠迴

洙曰東方朔傳董偃母以賣珠為事

牽

蘿補茅屋

蘇曰陶宏景山居賦采芝葦為盤蔬牽藤蘿補品屋景差山齋云牽蘿遮壞蘿挽葛補漏

茅摘花不揷髮

修可曰一作髻言其不事妝飾也

采栢動盈掬

洙曰詩終朝采

綠不盈一掬蘇曰胡堯隱居衡山采栢子食年踰百歲面類如兒童少壯追奔不及天寒翠袖薄

日暮倚脩竹

趙曰上句言天色已寒而翠袖尚薄下句則所思遠矣師曰栢與竹歲寒不改其操

亦猶君子見逐于君而吾操守終
無改易此所以為忠臣貞婦也

赤谷西崦人家

乾元二年作

崦衣檢切師曰按地理志秦州有崦嵫山在赤
谷之西曹操與劉備戰于此谷川水為之丹因
號曰赤谷甫乾元元年貶華州司功屬闕輔飢
亂乾元二年遷棄官之秦州宿于赤谷西崦人
家因有補注鶴曰按伊州納職縣亦有赤谷雖
此作非此謾記隴有二赤谷乾元二年
在秦州作

躋險不自安

洙曰安一作宣謝靈運詩濟險築幽居

出郊已清目溪迴日

氣暖還轉山田熟鳥雀依茅茨

師曰言藩籬帶松菊其靜也

言其如行武陵暮欲問桃源宿

洙曰一本作桃花陶潛桃源記曰晉太康中武

陵人捕魚為業緣溪行忽逢桃林夾岸數百步無雜木芳華鮮美落英繽紛漁人異之前行窮林盡見山有小口髣髴有光便捨舟步入初極狹行四五步忽然開朗邑屋連接雞犬相聞男女披髮怡然自樂見漁父大驚問所從來要還為設酒食云先世避秦難率妻子來此遂與外隔絕

西枝村尋置草堂地夜宿贊公土室二首

補注

鶴曰贊公謫居秦州公乾元二年七月自華之秦意欲居此故尋置草堂地西枝村

在秦近郭有岩竇之勝杉栢之利贊嘗稱之公辛以闕輔飢棄之同谷當是其年秋晚作故詩有天寒日短之句

出郭眴細岑

眴莫甸切劉曰眴斜視也

披榛得微路

洙曰趙景貞書涉澤求蹊披榛

覓溪行一流水曲折方屢渡

贊公湯休徒

洙曰惠休上人姓湯好

靜心迹素

晏曰素謂質素也

昨枉霞上作盛論巖中趣

洙曰後漢旌車

之招相望於岩中

怡然共攜手恣意同遠步捫蘿澁先登

洙曰天台

賦攬樛木之長蘿謝靈運詩蔓弱豈可捫

陟嶽眩反顧要求陽岡暖

洙曰顏延年詩

陽岡團精氣陰谷曳煙寒

若涉陰嶺泣

洙曰左太冲詩白雲亭陰岡丹葩曜陽林師曰山南曰陽

山北曰陰山南向陽故暖山北背陰故沍寒

惆悵老大藤沉吟屈蟠樹卜居

意未展杖策迴且暮

洙曰左太冲詩杖策招隱士

層巔

一作天

餘落日

洙曰謝靈運詩
築觀基層巔

草蔓已多露

洙曰盧子諒詩
凝露霑蔓草

天寒鳥已歸

蘇曰鮑照詩天寒日已久出
鳥自知歸又云天寒幽鳥歸

月出山更靜

洙曰山一作
人更一作已

土室延白光松門耿踈影

洙曰謝靈運詩
韋葉入松門

躋攀倦日短語樂寄夜永

洙曰天台賦恣語樂以終日
趙曰天寒則時在冬故用日

短夜

明燃林中薪暗汲石底

一作

井大師京國舊德業

天機東補注

鶴曰贊公京中大雲寺
主謫秦州安置故云

從來支許遊

洙曰

字道林講維摩經遁為法師許詢為都講遁
衆謂無以歷難詢設一難以調遁不能復通

興趣江湖

迥數奇謫闕塞

洙曰李廣數奇孟康曰奇隻不偶也如
淳曰數為句奴所敗為奇不偶師古曰

言廣命隻不耦合孟說是矣數所角反奇居宜反黃曰
師古以數奇為命隻不耦合則數乃命數之數非䟽數
之數也而音所角道廣存箕穎洙曰太丘道廣廣則難
反蓋傳印之誤也周謝靈運云徐幹有箕
穎之心何如戎馬間復接塵事屏必郢切幽尋豈一路遠色

有諸嶺

修可曰郭璞詩色上遠野嶺沉吟立夕陽

晨光稍矇矓洙曰陶淵明恨晨光之熹

微
更越西南頂

寄贊上人 乾元二年作

補注

鶴曰摩訶般若經何名上人佛言若菩薩一心行阿耨菩提心不散亂是名上人增

一經云處世有過能改者為人當是乾元二年在秦州作

一昨陪錫杖

洙曰天台賦振金策

之鈴鈴金策錫杖也

補注

希曰梵云阿若羅此云錫杖經

云又名智杖又名德杖顯智信功德本

卜鄰南山幽

洙曰左傳唯鄰是卜

年侵腰腳

衰未便陰崖秋

趙曰晉潘岳西征賦云眺華岳之陰崖

重岡北面起竟日

陽光留茅屋買兼土

買一作置

斯焉心所求近聞西枝西有

谷杉黍

一作漆

稠亭午頗和暖

洙曰天台賦羲和亭午孝祥曰御覽載日初出曰旭

曰斯曰晞在午曰亭午在未曰昧

石田又足收

夢符曰按春秋左傳吳將伐齊子胥曰夫得志

於齊猶獲石田也无所用之越不為治吳其泯矣今云石田足收則雖无用之田猶可獲而種也

當期

塞

一作寒

雨乾宿昔齒疾瘳徘徊虎穴上

逸曰班超云不探虎穴焉得虎子

面勢龍泓頭柴荆具茶茗徑路通林丘與子成二老來

往亦風流

洙曰謝靈運促裝反柴荆孫綽風流為一時冠師曰二老言太公伯夷避紂之亂故隱居

東海北海之濱今南亦避亂而卜隱居于此也

太平寺泉眼

乾元二年作

補注

鶴曰太平寺在秦州而詩云北風起寒文當是乾元二年秋冬之交作

招提憑高岡

洙曰見已從招提遊注趙曰招提佛寺也西天謂寺為招提

踈散連草

莽

洙曰景帝紀廣薦草莽草稠曰薦深曰莽

出泉枯柳根汲引歲月古石間

門

一作見海眼

趙曰成都記云石笋之下是海眼孫曰成都府城西門外道傍有石笋蜀人言天以

鎮海眼北泉從石中而出亦如海眼

天畔紫水府

歐曰小說潤州為中原水府修可曰張贊南征

賦魯潭水府

廣深丈尺間宴息敢輕侮青白二小蛇幽姿可

時觀如絲氣或上爛熳為雲雨

洙曰公羊傳曰觸石而出膚寸而合不崇朝而

徧天下者太山之雲也

山頭到山下鑿井不盡土取供十方僧香

美勝牛乳北風起寒文弱藻舒翠縷舒一作勝明涵客衣淨

細蕩林影趣何當宅下流餘潤通樂園三春濕黃精一

食生毛羽

洙曰嵇康書又聞道士遺言餌木黃精令人久壽意甚信之黃曰神農本草黃精久服輕

身延年趙曰鑿井自山頭至山下皆石而已不能窮盡至于土處也鑿井之難如此而得泉眼為可美佛經每

以牛乳
供僧

夢李白二首

大歷二年作

補注

鶴曰梁權道因舊次編在乾元二年秦州詩內按白乾元元年戊戌流夜郎寶應元

年壬寅卒則此詩不應在乾元二年當是大歷二年故公嘗有詩大歷二年調玉燭玄元皇帝

聖雲
孫

死別已吞聲

洙曰鮑昭行路難吞聲躑躅不敢言

生別常惻惻

洙曰歐陽建惻惻心

中酸楚辭悲莫悲兮生別離蘇曰馬融不忍生別我心惻惻

江南瘴癘地

洙曰劉孝標流離大

海之南寄命瘴癘之地趙曰白坐永王璘之累當誅郭子儀請解官贖罪詔長流夜郎會赦還潯陽坐事下獄

潯陽今之江州也補注鶴曰夜郎雖在榮州在長安視屬江南東路故云之則江南矣其因潯陽則江南

郡逐客無消息魯曰李斯為秦逐客故人入我夢明我長相憶洙曰

樂府云夢見已在傍忽覺在他恐非平生覓路遠不可

測補注希曰韓非子曰六國時張敏與高惠二人為友

道即迷不知路遂回故沈約詩夢中不識路何以覓來

楓林青洙曰阮籍詩湛湛長覓返關塞黑今君在羅網

蘇曰魏壽云婦人女何以有羽翼洙曰特白為落月滿

屋梁洙曰宋玉神女賦若猶疑照顏色彥輔曰西清詩

次定四事全書

補注杜詩

十四

司馬子微謝自然賀知章或以為可與神遊八極之表或以為謫仙人其風神超邁英爽可知後世詞人狀其風貌者多矣亦間於丹青見之俱不若少陵云落月滿屋梁猶疑照顏色熟味之百世之下想見風采此與李太白傳

水深波浪濶

蘇曰宋玉海水深浩波浪濶非萬斛舟不可泛

無使蛟

神詩

龍得

每至北日祭之漢建武中長沙人歐回見一人自

稱三閭大夫曰吾嘗見祭甚善然為蛟龍所苦今若有患可以揀葉塞之縛以五色絲此二物蛟龍所畏也師

曰蓋言南海波濤之患

補注

鶴曰舊傳太白溺於采石而

險恐其罹淪溺之患新舊史俱不及此觀此詩乃是死後作故曰死別已吞聲而終云水深波浪濶無使蛟龍得殆誠有捉月之事舊史云竟以飲酒過度醉死於宣城雖隱而彰矣後篇云江湖多風波每揖恐失墜然則誠有是事也

浮雲終日行

師曰楚詞云日暮碧雲合言君昏暗為羣小所蔽也

遊子久不至

洙曰

古詩浮雲蔽白日遊子不顧反

三夜頻夢君情親見君意告歸常局促

苦道來不易江湖多風波

一云秋風多

舟楫恐失墜出門搔

白首

蘇曰諸葛松出門無往還時復搔白首

若負平生志

蘇曰李常一囊粟俸拘束塵埃

中負平生山林之志

冠蓋滿京華斯人獨顛顚

上昨焦下秦醉洙曰左太冲詩濟

濟京城內赫赫王侯居冠蓋陰四術朱輪竟長衢寂寂揚子宅門無卿相與

孰云網恢恢洙曰

老子天網恢恢疎而不漏

將老身反累

蘇曰稽昂曰吾將老矣反為牛尾累身

千秋萬

歲名寂寞身後事

洙曰張翰曰使我有身後名不如即時一杯酒阮籍詩千秋百歲榮名安

所補注希曰此蓋傷白身後惟有二孫女欲終老於青山而僅葬東麓而已若曰江湖多風波舟楫恐失墜殆真溺矣

有懷台州鄭十八司戶 乾元二年作

洙曰虔時坐汙賊貶台州司戶補注鶴曰虔以至德二載貶台有春深逐客一浮萍之詩矣此詩首云天台隔三江末云相望無所成當是乾元二年秦華間作

天台 洙曰天台山名隔三江洙曰一云江海師曰天台山在台

補注希曰山海經云岷山大江所出岷山中江所出岷山北江所出東注大江公時在秦故言天台隔三

也江風浪無晨暮鄭公縱得歸老病不識路洙曰沈休文夢中不識路

何以慰相思趙曰韓非子中事六國時張敏與高意為友每相思不能得見敏便於夢中往尋但行至半道即

迷不知路昔如水上鷗趙曰何遜詩曰可憐雙白鷗朝夕水上遊今如罝中兔洙曰

詩肅肅兔罝蘇曰王瑞與弟書曰我若罝中兔兔雖能跳躑恐未免死補注希曰鮑昭詩昔如羈上鷹

今如檻中猿公蓋用其律性命由他人悲辛但狂顧蘇曰周休悲辛眩旋時復狂顧

山鬼獨一脚洙曰一足曰夔魍魎也夢符曰右蝮蛇長

如樹洙曰招魂蝮蛇呼號旁孤城歲月誰與度從來遇

魍魎多為才名悞洙曰傳文十八年舜流四凶投諸四裔以禦魍魎山林異氣所生為人害

者趙曰指言鄭公
謫為台州司戶

夫子嵇阮流更被時俗惡

洙曰嵇康書云阮嗣

宗為禮法之士所繩故疾之為讎蘇

海隅微小吏

趙曰言鄭

公反謫為小吏也

補注

希曰台州至海近三百里故云海隅

眼暗髮垂素

洙曰潘安仁秋

興賦素髮

黃帽映青袍

洙曰一云鵠杖近青袍師曰黃帽乃竹籜冠

補注

洙不疑傳著黃冒師

非供折腰具

洙曰陶潛馬能折腰於閭里小兒趙曰黃

帽非是當

平生一杯酒

洙曰沈休文詩平生少年日分手易前期勿言一樽酒明日難

作鵠杖

重見我故人遇

洙曰古詩滿湘逢故人相望無所成乾坤莽迴互

洙曰言天地雖大胡為其身若無所容乎

遣興三首

乾元元年作

補注

鶴曰梁權道編在乾元二年秦州作以客

華州作蓋公以天寶十四載攜家避亂至乾元元年為三年是時公之弟在東都故第二篇言

弟末篇言洛陽後果暫至東都

蓬生非無根漂蕩隨高風天寒落萬里不復歸本叢客

子念故宅三年門巷空

洙曰曹子建轉蓬離本根飄飄隨長風何意迴飈舉吹我入雲

中高海上无極天路安可窮顧此遊客子捐軀遠從戎魏文帝詩客子常畏人

補注

鶴曰公以天寶十四

載乙未十一月避賊往白水至乾元二年戊戌為三周年詳見題注

悵望但烽火

洙曰匈奴傳烽

火通甘
泉宮
戎車滿關東
洙曰詩戎車既成
生涯能幾何
常在羈旅

中

我今日夜憂諸弟各異方
不知死與生
何況道路長
洙曰

蘇武詩良友遠別離各在天一方山海隔中州相去悠且長古詩相去萬餘里各在天一涯道路阻且長會面
安可
避寇一分散
飢寒永相望
豈無柴門歸欲出
畏虎

狼仰看雲中雁
禽鳥亦有行
洙曰傅休奕仰觀鴈南翔

昔在洛陽時
親友相追攀
送客東郊道
遨遊宿南山
洙曰

張景陽詠史詩昔在西京時朝野多歡娛蕩蕩東都補門羣公祖二疎曹子建鬪雞東郊道又驅上彼南山

注希曰東郊指洛陽之東煙塵阻長河樹羽成臯間希曰

有替崇牙樹羽羽旂補注希曰唐志河南迴首載酒地成臯在鞏洛間

豈無一日還洙曰前漢揚雄傳好事者載酒過丈夫貴之陶潛親朋好事或載酒肴而往

壯健慘戚非朱顏

遣興五首乾元元年作

補注鶴曰此詩當在乾元元年作祿山前一年

詩有九月猶締綵當是其年秋作

朔風飄胡鴈師曰祿山胡人慘澹帶沙礫鄭曰浪秋切

鮑明遠詩朔風充補注希曰世說戴道一道人善為辭塞起沙礫自飛揚當途中逢雪人問其狀曰先集

其條澹長林何蕭蕭立之曰喻大材當亂秋草萋更碧洙

古詩秋草萋已綠立之曰草喻小人北里富薰天洙

草逢秋宜凋瘵今乃萋萋而更碧北里富薰天洙

左太冲北里吹笙竽大臨曰言武夫悍卒當祿山高樓

亂而能立功取富貴是以富貴之勢薰炙天地高樓

夜吹笛焉知南隣客九月猶締綌洙曰精曰締麗曰綌君平曰隋袁充少時

父黨過門方冬充尚衣葛戲充曰締兮綌兮淒其以風也蓋貧而無禦寒之服故耳公詩又曰花特甘綌

袍暮春者春服既成花特而綌袍豈非無春服歟長陵銳頭兒出獵待明發洙曰秦武安君頭小而補注

洙曰秦武安君頭小而補注

補注

希曰按史漢高祖葬長陵在長安四十里

辭弓金爪鏑白馬蹴微雪未知所

馳逐但見暮光滅歸來懸兩狼

洙曰詩並驅從兩狼兮師曰此詩諷國忠以貴

妃之兄位宰相帶劍南節度未知所馳逐正詩不門戶

有旌節

洙曰楊國忠以劍南旌節導駕趙曰旌節貴人所建而羅列於門也

漆有用而割膏以明自煎蘭摧白露下桂折秋風前

洙曰

莊子人間世山木自寇也膏火自煎也桂可食故伐之漆可用故割之兩龔死時有父老來弔哭甚哀既而曰嗟呼薰以香自燒膏以明自消阮籍詩膏火自煎燒大臨曰膏漆蘭桂皆有用之物喻賢人君子所以煎割摧折者以為小府中羅舊尹沙道尚依然

洙曰故事凡拜人所中傷也

行府縣載沙填路自私赫赫蕭京尹今為時所憐洙曰
弟至于城東街名沙堤赫赫蕭京尹今為時所憐洙曰
行志成帝時童謠云云故為人所羨今為人所憐蕭望
之嘗為左馮翊後飲鵠自投蘇曰明皇雖誅蕭至忠常
懷之故子美哀之云云趙曰蕭至忠參太平公主逆謀
被誅雖已誅矣然明皇賢其為人心愛不忘高力士曰
彼不當負陛下乎帝曰至忠誠國器但晚謬爾補注鶴
其始豈不賢哉舊注引蕭望之飲鵠自殺非是補注曰
蕭至忠以參太平公主逆謀至先天
二年主敗至忠遁入南山捕誅之

猛虎憑其威

蘇曰郭韞李鷹如猛虎憑威下視犬羊

往往遭急縛

洙曰曹操謂呂

布縛虎不

補注

希曰祿山以至德二載為李猪兒所殺故云

雷吼徒咆哮枝

撐已在脚忽看皮寢處

洙曰子將食其肉寢處其皮立之曰左襄二十八年子推子尾

怒盧蒲蔽曰譬之禽獸吾寢處之矣注曰能殺而席其皮無復晴閃爍人有甚於斯足以勸元惡

師曰祿山之猛可畏不啻於虎而終蒙菹醢亦足以為元惡之戒矣

朝逢富家葬前後皆輝光共指親戚大總麻百夫行送

者各有死不須羨其強君看束縛去亦得歸山崗

洙曰吳人

殺諸葛瑾以蘆條裹屍束縛以篋棄之於石子崗十朋曰此詩譏貴妃於夙昔之日勢焰薰炙當世及祿山亂死于馬嵬山瘞于道傍豈非束縛之比耶

遣興五首

乾元二年作

補注

鶴曰乾元二年秦州作

蟄龍三冬卧

洙曰易龍蛇之蟄以存身

老鶴萬里心

洙曰舞鶴賦結長悲於萬里

昔時賢俊人未遇猶視今

洙曰後之視今猶今之視昔也

嵇康不得死

洙曰一云且不死

孔明有知音

魯曰徐庶薦孔明

又如壠底松用舍在

所尋大哉霜雪榦歲久為枯林

洙曰傷有材而不見用師曰龍雖蟄於冬至春

則賴以沛霖雨喻孔明得徐庶之薦終則見用鶴雖心在萬里奈已老何喻嵇康日暮途窮左右無一言之援是以終死獄中嵇康孔明皆賢士也一則得君一則失勢豈非幸不幸耶

昔者

一作在

龐德公未曾入州府襄陽耆舊間處士節獨

苦

洙曰後漢逸民傳龐德公者南郡襄陽人也未嘗入城府夫妻相敬如賓

豈無濟時策

一作

術終竟畏羅罟

彥輔曰一作終歲畏罪苦

林茂鳥有歸水深魚知聚

舉家隱鹿門劉表焉得取

洙曰荊州刺史劉表數屈請不能屈乃就候之謂曰夫保

全一身孰若保全天下乎龐公笑曰鴻鵠巢於高林之上暮而得所棲黿鼉穴於深淵之下久而得所宿夫趨舍行止亦人之所巢穴也且各得其棲宿而已天下非所保也因釋耕于壠上而妻子耘于前表詣而問曰先生苦居畎畝而不肯官祿後世何以遺子孫乎龐公曰世人皆遺之以危今獨遺之以安雖所遺不同未為無所遺也表嘆息而去後遂攜其妻子登鹿門山採藥不反秦曰襄陽記云鹿門山舊名蘓嶺山襄陽侯習郁立神祠於山列二石鹿夾道口俗因以廟名山

陶潛避俗翁未必能達道

蘇曰墨子未必達吾道

觀其著詩集頗

亦恨枯槁

趙曰因陶潛而有所悟故於此詩非直詆陶也陶集中如飲酒詩雖留身後名一生亦枯

槁其他皆類是豈不謂之頗恨枯槁乎

達生豈是足默識蓋不早有子賢

與愚何其掛懷抱

立之曰山谷書淵明文有與五子疏又命子詩曰夙興夜寐願爾斯才才

之不久才亦已焉哉又責子曰雖有五男兒揔不好紙筆俗人便謂淵明諸子皆不肖而淵明愁嘆見於詩所謂癡兒前不得說夢也黃曰子美困於三蜀蓋不知者詬病以拙於生事又往往譏議宗文宗武失學故聊寄此詩於淵明以解嘲耳

賀公雅吳語

洙曰賀知章也蘇曰陸機雅能吳語吳兒聞之皆起歸思孝祥曰語林曰真長云巫

相何奇止能作吳語及細啞也

在位常清狂

洙曰武五子傳清狂不惠凡狂者陰陽脉盡濁今此

又不狂似狂者故言清狂也或曰色理補注鶴曰舊史清徐而心不惠曰清狂清狂如今白癡

放橫善談論當時賢達皆傾慕之晚年上疏乞骸骨蘇尤如縱誕無復規檢自號四明狂客

賈亮疏乞骸骨三上黃冠歸故鄉蒼舒曰禮記郊特牲不答乃棄官隱中條野服黃冠黃冠草

服也典氣不可致洙曰王徽之以手板拄頰斯人今則亡

魯曰顏淵補注鶴曰天寶三載知章因病恍惚乃上疏今也則亡請度為道士求還鄉里上許之至鄉無

幾壽終山陰一茅字江海日淒涼洙曰知章事明皇為秘書監自號四明狂客及

秘書外監晚節尤誕放請為道士歸鄉里以宅為千秋觀表求周官湖數頃為放生池有詔賜鏡湖一曲

吾憐孟浩然短褐即長夜修可曰短當作短見北征詩注王仲宣長夜何冥冥趙曰

南史范曄在獄中為士賦詩何必多往往凌鮑謝魯曰題扇曰即長夜之悠悠

謝朓蘇曰江總詞氣凌鮑謝筆跡踴二王史炳云足下新詩往往氣凌鮑謝趙曰往往者忽忽如此也應璩百

一詩用等撮才學補注鶴曰舊史孟浩然隱鹿門山以往往見歎譽也詩自適年四十遊京師應進士

不第張九齡鎮荊州署為從事與之唱和不達而卒浩然嘗曰賦詩何必多往往凌鮑謝此詩蓋公全用其兩

句清江空舊魚趙曰浩然嘗有詩曰試垂竹竿銳果見也查頭編今言清江之內空有舊魚而人

不見春雨餘甘蔗每望東南雲蘇曰梁瑄不歸弟璟每見東南白雲即立望慘然久

之令人幾悲吒涉駕切正作咤修可曰郭璞游仙詩臨川哀年邁撫心獨悲吒趙曰浩然襄陽

人襄陽在秦州之東南公思而不見故望雲而空悲咤耳

前出塞九首

乾元二年作

補注

鶴曰晉劉疇傳有出塞曲今謂之出塞當是乾元二年至秦州思天寶間事而為之

戚戚去故里悠悠赴交河

洙曰陸士衡悠悠行邁遠戚戚憂思深蘓曰古詩轉戰交

河道修可曰按唐西州交河在伊州西七百里河水分

流繞城下因以名之漢侯應上書云車師前國王治交

河補注

鶴曰西州交河郡在唐隴右道郡亦有交河縣

處也此言調公家有程期洙曰程限亡命嬰禍羅

榮亡命山林趙曰畏公家之期程而君已富土境徐越

逃亡其命則必有收捕禍所及矣

吾君土境遠方物富備而又開邊一何多祿山國忠之

次定回車全書

補注杜詩

主

徒為國生事
於夷狄也

棄絕父母恩吞聲行負戈

秦伯曰李奎被掠毀冠裂冕吞

聲負

戈

出門日已遠不受徒旅欺

師曰此言離家日久已習戰鬪之事故徒旅不能欺也

骨肉思豈斷

疎曰蘇武詩骨肉枝葉

男兒死無時走馬脫轡頭

梅

木蘭曲云南

手中挑青絲

洙曰梁簡文帝紫騮馬詩青絲懸玉韁趙曰宛轉青絲韁

絲馬韁也

捷下萬仞岡俯身試搦旗

洙曰曹子建仰手接飛猱俯身散馬蹄左太冲

振衣千仞岡

又斬將搴旗

磨刀鳴咽水

嗚一作呼

水赤刃傷手欲輕腸斷聲心緒亂已

久洙曰鮑昭詩行子心腸斷修可曰辛氏三秦記隴山天水大坂也俗歌云隴頭流水鳴聲幽咽遥望秦川肝

賜斷絕故丈夫誓許國憤惋復何有鄭曰惋烏攢切驚歎也功名

圖騏驎曰羊引基曰丈夫兒功名立于少壯時期圖于騏驎何苦苦守筆硯度日而已鄭曰騏驎漢

閻名圖畫功臣於此戰骨當速朽洙曰孔子曰死不如速朽師曰丈夫以身許國此勸以義之意

送徒既有長丁丈切洙曰高祖以亭長為縣送徒驪山遠戍亦有身生

死向前去不勞吏怒嗔師曰足見其強驅人于戰宜所謂悅以犯難民忘其

死者路逢相識人附書與六親哀哉兩決絕不復

同苦辛洙曰國宗領劒南募使遣戍瀘南餉路險乏舉無還者人人思亂此詩所以作也

迢迢萬餘里領我赴三軍軍中異苦樂主將寧盡聞

洙曰

王仲宣從軍詩從軍有苦樂但問所從誰師曰為將之道甘苦與衆同之今將樂而士苦苦樂之異如此豈善

撫循士卒者乎隔河見胡騎倏忽數百羣我始為奴僕幾時樹

功勲

禹偁曰漢衛青奮于奴僕

挽弓當挽強

蘇曰張諒少壯氣銳好挽強弓明帝用為校尉

補注

希曰周勃傳

強弓弩官也孟康曰如此挽強司馬也

用箭當用長

洙曰晁錯云弩不可以及遠與短兵同射

不能中與亡矢同中不能入與亡鏃同

射人先射馬擒賊先擒王

洙曰前

月氏欲殺冒頓冒頓奔歸頭曼頭曼令將萬騎冒頓乃作鳴鏑習勒其騎射令曰鳴鏑所射而不悉射者斬後

冒頓以鳴鏑射單于善馬左右悉射之冒頓知其可用遂以鳴鏑射頭曼左右皆隨之遂殺頭曼而自立師曰南謂射馬擒王不殺人多殺傷也殺人亦有限立國自有疆

蘇曰左思曰列國分王自

有疆

苟能制侵陵豈在多殺傷

趙曰孟子曰定于一孰能一之不嗜殺人者能

一之而喜開邊者乃好大喜功之士則公之詩豈不益於教化乎

驅馬天雨雪軍行入高山逕危抱寒石指落曾冰間

洙曰

陸士衡驅馬涉陰山山陰馬不前仰憑積雪巖俯涉堅冰淵修可曰前匈奴傳匈奴攻太原高帝自將兵擊之會冬雨雪士卒已去漢月遠何時築城還浮雲暮南征墮指者十二三

可望不可攀

師曰暮望歸雲南征不得與之還是故嘆云

單于寇我壘百里風塵昏

晁曰王僧達詩
千里暮沙昏

雄劔四五動

彼軍為我奔

夢符曰按吳越春秋吳王闔閭使干將造劍二枚一干將二鑢鉞陽曰干將而作龜

文陰曰鑢鉞而作漫理雄猶陽也修可曰烈士傳眉間尺楚人干將鑢鉞之子楚王夫人常於夏納涼而抱鐵

柱心有所感遂懷孕後產一鐵楚王命鑢鉞鑄為雙劍一雌一雄鑢鉞乃留雄而以雌進楚王劍在匣中常悲

鳴楚王問羣臣對曰劍有雌雄鳴者雌憶其雄也王大怒收鑢鉞殺之眉間尺乃為其父殺楚王虜其

名王歸

修可曰前匈奴傳霍去病衛青操兵歸瀚海虜名王貴人以百數

繫頸授轅門

洙曰曹子建求自試表昔賈誼弱冠求試屬國請繫單于之頸而制其命終軍使越欲得長纓繫其王羈致此

闕唐曰宣帝紀單于遣其名王奉獻師古注名王謂有大名以別諸小王也韓曰轅門出周禮掌舍掌王之會

同之舍設車宮轅門潛身備行列蘓曰盧綏潛身一勝何足論蘓曰

孫子曰一勝一負兵家常事不足論也

從軍十年餘能無分寸功衆人貴苟得欲語羞雷同洙曰

曲禮毋雷同注雷之發聲物無不同時應者中原有鬪爭況在狄與戎洙曰書蠻

夷猾夏詩丈夫四方志洙曰禮射義桑弧蓬矢以射安

可辭固窮琪曰語君子固窮梅曰甫於斯時寧可固窮不敢為國生事雖無分寸之功其忠於君可

見矣

後出塞五首乾元二年作

鮑曰天寶十四年乙未三月壬午安祿山及契丹戰於漢水敗之故有後出塞五首為出兵赴

漁陽補注鶴曰同是乾元二年作也

男兒生世間及壯當封侯

洙曰後漢班超常投筆數曰無他志畧猶當效傅介子張

騫立功異域封侯安能事筆戰伐有功業焉能守舊丘

趙曰鮑明遠云去鄉三十載復得還舊丘

名募赴薊門

洙曰鮑明遠始隨張校尉名募到河源呂

曰名募字出吳志中郎將周祇乞於鄱陽名募蓋名謂自隱度而應募為名募也

軍動不可留

千金買馬鞍百金裝刀頭

洙曰唐刺史見觀察使皆抹首靴足握刀頭候路左問

里送我行親戚擁道周

趙曰有林之班白居易列

洙曰班白

者不負戴
於道路矣

酒酣進席羞

趙曰周禮庖人供喪紀之庶羞

少年別有贈含

笑看吳鉤

洙曰鮑明遠詩錦帶佩吳鉤薛曰歷按吳越春秋吳王分聘歐治子作名劍五一曰純鉤

二曰湛盧三曰豪曹四曰魚腸五曰巨闕秦客薛燭善相劍吳王取純鉤示之薛燭曰先乎如屈陽之華沉沉

如芙蓉始生於湖觀其文如列星之行觀其光如水溢於塘此純鉤也修可曰吳王闔閭命國中作金鉤令曰

善者賞之百金有貪王之重賞者殺其二子以血釁金遂成二鉤獻而求賞王曰為鉤者衆子獨求賞何以異

作鉤者曰吾之作鉤也殺二子釁成二鉤於是向鉤而呼二子之名曰我在此王不知汝之神也聲絕於口兩

鉤俱飛著父之胷王大驚曰寡人誠負於子乃賞百金遂服而不離身見吳越春秋

朝進東門營

洙曰夏官大司馬師以門名疏古者軍將益為營治於國門魯有東門襄仲宋有桐

門右師皆上卿為將軍者

暮上河陽橋

洙曰李陵詩攜手上河梁游子暮何之鄭曰河陽洛邑也

落日照大旗馬鳴風蕭蕭

洙曰車攻蕭蕭馬鳴荆軻歌風蕭蕭兮易水寒

平沙

列萬幕部伍各見招

洙曰李廣幕府注幕府者以軍幕為義軍旅無常居止故以帳幕言

之程不識正部曲行伍營陣擊刁斗趙曰士卒之多則將各有一幕故一部伍之人各相招認以居幕也

中

天懸明月

洙曰子虛賦曳明月之珠旗

令嚴夜寂寥

趙曰但見月懸中天正照此夜

而人不驚

悲笳數聲動

洙曰李陵書胡笳互發牧馬悲鳴沈曰笳居牙切塞上卷

蘆葉以吹壯士慘不驕借問大將誰恐是霍嫖姚

鄭曰嫖姚妙切洙曰

霍去病為嫖姚校尉服虔曰嫖姚勁直之貌荀悅漢紀作票字霍去病後為票騎將軍尚取嫖姚之字耳今讀

者音栗遙不當其義十朋曰衛霍皆椒房之親以致顯貴故比之國忠然國忠以寵幸進驕暴不恤士卒卒

皆疾之故云補注希曰服虔曰嫖頻召反忍是霍嫖姚姚羊召反今詩乃平聲

古人重守邊今人重高勲

洙曰重守邊保其疆場而已重高勲則邀功而生事此後

世所以有窮兵黷武之君也

補注

鶴曰楊國忠雖當國常領劍南召募使遣戍瀘南餉路險乏舉無還

者舊勲戶免行所以寵戰功國忠今當行者先取勲家

豈知英雄主出師亘長雲

鄭曰亘居鄧反極也

六合已一家四夷且孤軍

洙曰高祖曰天下同姓一家慎毋反

以六合為一家

遂使貌虎士奮身勇所聞

洙曰牧誓如虎如貌

拔劍擊大

荒洙曰見回略大荒來注高祖紀拔劍擊柱

日收胡馬羣

洙曰古詩胡馬嘶北風

誓開

玄冥北

趙曰玄冥北方之神也玄冥北則玄冥所主之北地也

持以奉吾君

或擊

大荒或開玄冥之北為國生事持此功以獻捷於君雖受高爵重祿不亦厚賴乎此詩諷國忠之徒

獻凱日繼踵

洙曰周禮注凱獻功之樂

兩蕃靜無虞

蘇曰段容曰西

虞年穀屢豐符瑞荐至正陛下修文養士之際趙曰西北兩蕃已寧矣

漁陽豪俠地

洙曰

北地也朱叔元書奈何以區區漁陽結怨天子

擊鼓吹笙竽

洙曰左太冲南隣擊鐘磬北里吹笙

竿趙曰燕薊已復而民樂也

雲帆轉遼海

洙曰遼海遼東郡蘇曰吾欲張片帆泛日本轉遼海

採訪海外奇異非區區守一別駕折腰於子輦耶

粳稻來東吳越羅與楚練照

耀輿臺軀

洙曰昭七年傳皂臣與僕臣臺曹子建下逮輿臺

主將位益崇氣驕

凌上都邊人不敢議議者死通衢

洙曰時好邊功李林甫任蕃將也師曰主

將祿山也祿山兵還賞資無貲玄宗御承天門率百官迎迓祿山恃功高氣凌公卿誰復敢議其事哉補

注布曰兩蕃謂吐蕃與奚契丹祿山討之又楊國忠嘗遣劍南留後李宓率兵十餘萬擊閬羅鳳敗死西洱河國忠矯為捷書上聞自再興師傾中國驍騎二十萬騎屢舉無遺天下冤之主將當指安與楊而言以其皆生邊患又矯為捷書以罔上也

我本良家子

洙曰石季倫詩我本漢家子趙充國傳六郡良家子

出師亦多門

蘇

田穰苴戰伐出師多門余曰左成十六年晉政多門

將驕益愁思身貴不足論躍

馬二十年恐辜明主恩

洙曰蔡澤曰躍馬疾驅四十二年足矣薛曰右按古樂府以死

報君恩誰能辜恩賜

坐見幽州騎長驅河洛昏

洙曰時祿山自幽州陷河洛曹子建

幽并遊俠兒長驅陷匈奴

中夜間道歸

端本曰蘭相如使人奉璧間道馳歸趙

補注希

高祖紀從問道走歸師古曰間空也投空隙而行不公顯也

故里但空村

洙曰顏延年去國遂

故里幽門蔚蓬萊師曰言國忠聞祿山有變已陷兩都遂脫身自後路歸恐為姦盜所獲故里但空村言居民

盡避惡名幸脫免

蘇曰岑永幸脫此惡名當洗耳洗心老采笋巖窮老無兒孫

胡也詳味此詩蓋祿山反時其將有脫身歸國而祿山盡殺其妻子者不出姓名亦可恨也

補注杜詩卷五

欽定四庫全書

集部

補注杜詩卷六
七

臣 永瑤 恭 校

檢討臣何思鈞覆勘

總校官進士臣朱 鈐

校對官助教臣周 鏞

謄錄監生臣王璧成

欽定四庫全書

補注杜詩卷六

宋 黃希 原本

黃鶴 補注

別贊上人

乾元二年作

補注

鶴曰公以闕輔飢乃赴成州遂以乾元二年十月去秦州此詩云歲暮飢餒迫野風

吹征衣當是其時作

百川日東流客去亦不息

宋曰謝玄暉詩大江流日夜客心悲未央

我生苦

漂蕩何時有終極

修可曰曹子建詩相思无終極

贊公釋門老放逐來

上國

師曰贊公與房瑄遊從瑄既待罪贊公亦被謫上國京師也

還為世塵嬰

洙曰陸士

衡牽世嬰時綢又世綢嬰我身師曰贊公本脫俗人今反為世塵所累嬰累也

顏帶憔悴色楊

枝晨在手

定功曰佛經云手把青楊枝徧洒甘露之水

豆子兩已熟

蘇曰崔玄見習

鑿齒曰豆子熟矣張直曰豆子眼中黑精也言無邪視也趙曰今取楊枝字以見贊當春方為寺主來秦州而

已見豆子

補注

希曰梵網經若佛子常應二時頭陀冬夏坐禪結夏安居常用楊枝而菩薩行

頭陀時及遊方時行百里千里此常隨其身任淵云詩言贊公道力深妙楊枝揮洒便能致雨以熟豆田或然

是身如浮雲

君平曰維摩經是身如響屬諸因緣是身如浮雲須臾變滅是身如電念念不在

安可限南北

竦曰蔡謨初渡江曰此天所以限南北也

異縣逢舊友初欣寫

胃臆天長闊塞寒歲暮飢凍逼

洙曰一云長天闊塞遠歲暮飢寒迫趙曰當作

飢寒字別劉詩在十月而此云歲暮者以見將為歲暮之計以救飢寒也野風吹征衣欲別

向曛黑

洙曰鮑明遠詩野風吹秋木謝靈運詩朝遊窮曛黑

馬嘶思故樞

洙曰嘶一作鳴

歸鳥盡飲翼

洙曰陶潛詩歸鳥趨林鳴

古來聚散地

蘇曰長安乃古今聚散榮辱之

地崇山遠水惟與騷客作愁具

宿昔長荆棘

洙曰姑蘇臺詩荆棘霜露沾人衣

相看俱

衰年出處各努力

蘇曰王導別阮彥曰宜努力為主古詩云明時各努力師曰此蓋嘆兩都

之地昔與賢公或聚或散於此今經祿山之亂盡長荆棘况二人俱當衰年出處之迹可不勉乎

萬丈潭

乾元二年夏作

洙曰同補注鶴曰梁權道以為乾元二年自秦谷縣作

谷而此詩乃云何事炎天過快意風雨會其年

夏在秦按公有寄贊上人詩云徘徊虎穴上面

勢龍泓頭茲乃云龍依積水蟠窟壓萬丈內殆

是在秦州作又嘗以此詩參西枝村尋草堂地

詩大概
相類

青溪合冥冥神物有顯晦龍依積水蟠窟壓洙曰一作萬

丈內洙曰天台賦臨萬丈之絕冥跼步凌垠塢洙曰西京賦靈囿之中前後元有垠塢跼

梁六切塢側身下煙靄前臨洪濤寬却立蒼石大山危

一徑盡岸絕兩壁對削成根虛無洙曰顏延年詩踐華因削成倒影

垂澹瀕

洙曰一作賴天台賦序或倒影於重溟鄭曰瀕徒對切猶澹池也水帶沙往來貌如淳曰在日

月之上反從下照故其影倒

黑知

一作如

灣深底清見光炯碎孤雲倒

來深飛鳥不在外高蘿成帷

洙曰一作帳

幄寒木疊旌旆

修可

曰康協終南行楓丹杉碧疊旌立旆

遠川曲通流嵌竇潛洩瀨造幽無人

境

洙曰天台賦卒踐無人之境

發興自我輩告歸遺恨多將老斯遊

最閉藏脩鱗蟄出入巨石礙何當炎天過快意風雨會

洙曰雨

一作雲

兩當縣吳十侍御江上宅

乾元二年十月作

俯曰按地理志鳳州兩當縣州西八十五里漢故道縣後魏置兩當以大散關與嘉陵地勢險

隘相當故補注鶴曰江即嘉陵江乾元二年秦州作九域志秦州西南至成州

二百六十里兩當縣在鳳州城西鳳州亦西至成州二百七十里殆是公自秦西至同谷時道

經兩當故作此詩乾元二年十月也國經云古者相傳嘉陵江與朱沮水相會於縣界故云兩當又

云東京西蜀至此三十程故名兩當本朝趙抃自成都被召還朝宿廣鄉驛有詩云被召超都

景物疏兩當中夜宿中途註云國經云東京西蜀至此道里均焉驛在縣中

寒城朝煙淡洙曰謝玄暉詩寒城一凝眺平楚正蒼然山谷落葉赤補注曰鶴

鳳州有嘉谷即陰風千里來吹汝江上宅趙曰詳味詩嘉陵江所出意吳侍御遷

謫之因為辨論良民不是姦細以此忤權貴而得罪耳
首四句以秦地之時候景物言其宅在兩當縣之江上
所以為之感激也
兩當枕嘉陵江上鵑鷄號枉渚洙曰王微之詩窮靈瀟湘空歛吸鵑鷄悲謝靈運詩弭楫薄枉渚楚辭朝發枉渚夕宿辰陽沈曰相如上林賦云蘭玄鵑亂鵑鷄張楫曰鵑雞似鶴黃白色張無盡武陵國經糾繆云武陵之東口二山一曰枉山吳均宋地居注云宋元嘉七年五月大水武陵枉山陷為枉渚大平御覽載湘州記云枉山在郡東十七里有枉馬山西溪口有小陂謂之枉渚輩曰謹按兩當縣隸鳳州乃古雍州之地子美是詩云枉渚乃渚之斜曲而不直者非武陵湘潭之枉渚也敏功曰陸云答張士然詩曰通波激枉渚注云枉渚曲渚也亦以斜曲日色傍阡為義田曰鵑鷄楚地有之楚辭曰鵑鷄啁晰
陌補注布曰漢成帝紀出入阡陌師古曰秦時商鞅所開也借問持斧翁幾年長

沙客

洙曰武帝末暴勝之為直指使者衣繡衣持斧逐盜長沙長沙湖廣地名趙曰持斧御史事指言吳

侍御也長沙即潭州賈誼所謫之地

哀哀失木狖

洙曰西都賦狖狖失木淮南子狖狖顛墜而失

木

矯矯避弓翮

趙曰淮南子雁銜蘆而翔以避弋繳以比吳之失所也

亦知故鄉

樂未敢思宿昔昔在鳳翔都共通金閨籍

洙曰謝玄暉詩既通金閨

籍趙曰金閨金馬門也共通者公為左拾遺與吳共通籍也

補注

布曰寶應元年建卯月復以鳳翔為

西都天子猶蒙塵

洙曰僖二十四年傳藏文仲曰天子蒙塵于外敢不奔問官守東郊暗

長戟

洙曰書秦誓東郊不開晁錯曰勁弩長戟射疏及遠

兵家忌間諜

洙曰李牧為雁門謹

烽火多為間諜

此輩常接跡臺中領舉劾

端本曰舉善勦有罪御史職也補注

希曰按百官志治書侍御史掌舉劾百寮又後漢百官志侍御史十五人注掌察舉非法受公卿郡吏奏事有違失舉劾之吳既振職而忤宰相意是君必慎剖析不明年宰相裴冤苗晉卿張錫未知忤誰

忍殺無辜

洙曰書與其殺不辜寧失不經

所以分黑白上官權許與失

意見遷斥

洙曰謝靈運詩遺物悼遷斥師曰肅宗時祿山未平賊遣謀者行反間之言以中傷朝臣

吳侍御作臺官正領舉劾之職每得罪者必為之分剖曲直是非之理不忍濫殺無罪由是失宰相意遂見斥逐於兩當上官宰相也吳侍御雖有所辨明宰相雖權時從之必竟不悅以此故黜之仲尼甘旅

人

洙曰王弼仲尼旅人則國可知矣

向子識損益

修可曰後漢向長字子平潛隱於家讀易

至損益卦喟然歎曰吾知富不如貧貴不如賤未知死何如生耳

朝廷非不知閉口休

歎息

洙曰張厚曰此事已知閉口何勞歎息

余時忝諍臣

趙曰時為拾遺也

丹陛

實咫尺

洙曰僖九年傳天威不遠顔咫尺

相看受狼狽至死難塞責

蘇曰

呂產罪雖至死亦難塞責

補注

鶴曰肅宗即位次彭原詔御史論事勿先曰大夫宰相似有意於聽言矣

而吳侍御以論良民不是姦細忤權臣而見斥杜公亦以論房琯而見疎今觀相看受狼狽之句可以覘其求言之非

行邁心多違

洙曰詩行邁靡靡沈休文詩江海事多違

出門無與適

於公負明義惆悵頭更白

趙曰落句見公之恨深矣師曰甫時為拾遺其去天子不遠可以諫矣

遠可以諫矣坐看吳公之狼狽雖死不足責吳公之責蓋甫自知於吳公有負是以惆悵自刻責其非義也故云於公負明義

補注

鶴曰吳公以諫而黜杜公同在言路不能辨其屈徒作詩以自責異

惆悵頭更白

乎范文正公以謫直去國而余襄公上疏論救亦貶尹
師魯歐陽公相繼論說又皆貶降於此亦見本朝養成
士氣可使沈默偷
安者為之愧死也

發秦州

乾元二年作

洙曰乾元二年自秦州
赴同谷縣紀行十二首
補注 鶴曰按九域志秦
州西南至成州二

百六十五里同谷乃附邑當是
乾元二年赴同谷時舊註是矣

我衰更懶拙生事不自謀無食問樂土

洙曰詩遼彼樂
土師曰同谷在

京之南不經殘
破故云樂土

無衣思南州

彥輔曰楚辭嘉南州之炎
德南州氣暖故思南州

漢源十月交

鮑曰唐志漢源屬同谷郡大槩美同谷風
土多暄利於貧士非九月十月之交去秦

也補注

希曰漢源同谷郡之中下縣近蜀故多暖

天氣涼如秋草木未黃落

蘇曰賈誼長沙十月草木尚未黃落加之蒸濕此人甚不宜風土

況聞山水幽

洙曰水一作東

栗亭名更佳

鄭曰今成州栗亭縣

補注

希曰九域志栗亭在成州東五十里亦縣名而唐志

不下有良田疇充腸多薯蕷

洙曰永和初有採藥於衡山者道迷糧盡遇息崙下

見一老公告之以飢與之食物如薯蕷後不復飢曰陶隱居云薯蕷處處有之掘取食之以充糧圖經云胡閩中出一種根如芋而皮紫色莢煮食之俱美彼土人呼曰薯蕷殊山海經云景山北望沙澤多薯蕷言與薯蕷同崖蜜亦易求蘇曰崖蜜乃櫻桃也陸機詩崖蜜珠蒲藍王子敬帖云山陰崖蜜珠甘嘉得多尤妙本草戴石蜜陶隱居云即崖蜜也高山嵩石間作之色青赤味小噉食之心煩其蜂黑色似蜚劉禹錫云

崖蜜則是一蜂如陶所說出南方崑崙間生懸崖上蜂大如螽房著崖窟以長竿刺令蜜出承取之多至三四

石入藥用勝於凡蜜鬼谷子曰百花醴蜜也崖蜜櫻桃也子美此詩觀之十月間恐無櫻桃則崖蜜更無異

也補注布曰崖蜜則蜂於崖石上所作之蜜成州多產此故貢以蠟燭李義山蜂詩云紅壁寂寥崖蜜

盡碧簾迢遞霧集空唐密竹復冬筍清池可方舟趙曰

人大抵稱蜜為崖蜜也謝靈運登石門最高頂詩密雖傷旅寓遠庶遂平生遊傷一作云

竹使徑迷方舟並兩舫此邦俯要衝實恐人事稠補注布曰此邦指秦州而言也應接非本

性蘇曰阮嗣宗頗倦人事應接進退非吾本性趙曰王子敬過越州見潭經澄澈清流瀉注云山川之美使

人應接登臨未銷憂樓以四望聊暇日以銷憂谿谷無

異石塞田始微收宣復慰老夫惘然難久留日色隱孤

戌

洙曰惘一作惘謝玄暉詩日隱澗疑空

烏啼滿城頭

趙曰何遜詩團團日隱州烏啼滿城頭

中宵驅車去飲馬寒塘流

洙曰古詩飲馬長城窟

磊落星月高

趙曰

古詩兩頭纖纖新月生磊磊落落向曙星

蒼茫雲霧浮

修可曰庾信詩蒼茫雲貌同

大哉

乾坤內吾道長悠悠

師曰言天地雖寬而吾道獨喪若無所容亦終於此而已矣故曰吾

道長悠悠

赤谷

乾元二年作

補注

鶴曰以晨發赤谷亭又前有赤谷西崦則此亭在秦州近境乾元二年作

天寒霜雪繁

洙曰詩正月繁霜趙曰孔
子曰天寒既至霜雪既降

遊子有所之

洙曰

李陵詩遊
子暮何之

豈但歲月暮

洙曰古詩淒涼歲
暮又歲月忽已晚

重來未有

期

洙曰蘇武詩
相見未有期

晨發赤谷亭險艱方自茲

洙曰任彥昇
詩晨發富春

渚又云艱
險方自知

亂石無改轍

洙曰曹子建詩中塗
絕無軌改轍登高岡

我車已載

脂

洙曰泉水詩載脂
載輶還車言邁

山深苦多風

洙曰魏文帝苦戰行
谿谷多風霜雪沾衣

落日童稚飢

洙曰苦寒行行行日
已遠人馬同時飢

悄然村墟迥煙火何

由追

趙曰四望無煙火公詩言童稚苦飢而村墟尚遠
煙火無所追求以造飯也師曰按地理志秦州隴

城縣有大隴山亦曰隴首山三秦記云其坂九回上者
七日乃越上有清水四注下俗歌曰隴頭流水鳴聲幽

咽遙見秦川肝腸斷絕南蓋上大隴山故云云謂其坂九回故也

補注

鶴曰按新舊史地理志隴城縣

下不言有大隴師所注其殆本九域志而言與

貧病轉零落

洙曰一云飄零曹子建零落歸山正

謝靈運詩萬事俱零落

故鄉不可思

洙曰鬱鬱多愁思綿綿思故鄉魏文帝苦哉行還望故鄉

鬱何常恐死道路

洙曰論語寧死於道路乎

永為高人嗤

洙曰古詩但為後世

嗤

鐵堂峽

乾元二年作

補注

鶴曰乾元二年三峽當是尚屬秦境詳見注

山風吹遊子縹緲乘險絕

逢元曰縹緲衣裳飛揚貌

峽形藏堂隍

立

曰山臺如堂隍峽

補注

鶴曰九域志秦州西北有上峽

唐志成紀

壁色立積鐵徑摩穹蒼蟠

洙曰魏文帝修條

谷下無底高岩暨穹蒼趙曰

石與厚地裂脩纖無垠竹

嵌空太始雪

限一作垠

威遲哀壑底

洙曰殷仲文詩

徒

旅慘不悅

洙曰謝靈運詩徒旅苦奔峭顏延年詩改

水

寒長永橫

魯曰謝靈運詩

我馬骨正折

旨熱切洙曰詩

折筋生涯抵弧矢盜賊殊未滅飄蓬踰三年

趙曰飄蓬

曰夫飛蓬遇飄風而行千里乘風之勢

回首肝腸熱

孤矢言盜賊興也自盜賊竊發以來生涯抵
弃不成家計抵弃也肝腸熱言憂則內熱也

鹽井

乾元二年作

彥輔曰蜀都賦補注鶴曰唐食貨志云唐有鹽
家有鹽泉之井

井六百四十而黔州有井

四十一成州雋州井各一果閬開通井百二十
三功眉嘉州井十三梓遂綿合昌渝瀘資榮陵

簡井四百六十以井指成州之井而言也雖地
理志言秦州長道縣有鹽而食貨志所載鹽井

則無故以為是成州之井且長道本隸成州又
唐地理志成州有靜戎軍寶應元年徙馬邑州

於鹽井
城置

鹵中草木白

洙曰地鵠鹵者生鹽修可曰許慎說文曰
鹵鹽池也東方謂之斥西方謂之鹵又漢

宣帝帝困於蓮勺鹵中注蓮勺縣有鹽池廣青者官鹽

煙

蘇曰郭思瑤漢詩話作直者青鹽煙

官作既有程

珠曰程限也趙曰陳琳詩官作自有程

煮鹽煙在川

珠曰前漢吳王東煮海為鹽

汲井歲掇掇

鄭曰古忽切木名珠曰莊子

連連

天地篇子貢見漢陰丈人方將為圃畦鑿隧而入井抱甕而出灌捫捫然用力甚多而見功寡

出自公斗三

百轉致斛六千

珠曰轉致言貿易也斗三百斛六千言其利相倍什

補注

希曰唐志云天

實至德間鹽每斗十錢乾元元年第五琦為諸州權鹽鐵使盡摧天下鹽斗加時價百錢而出之為錢二百一十此詩作於乾元二年何以乃云斗三百當是天

下艱危因民所急而稅之劉晏之策行而愈昂矣

君子

慎止足

修可曰張景陽詠史詩達人知止足

小人苦喧闐我何良歎嗟物

理固自然

洙曰一云亦固然魯曰物有利則人爭取之此理之自然何可歎嗟乎

寒峽

乾元二年作

魯曰寒峽雲門皆秦地名補注鶴曰乾元二年作秦成大抵

里又七十里至成今公自十月去秦而至
至此已仲冬之交則此峽當在秦州之境

行邁日悄悄

洙曰詩行邁靡靡又憂心悄悄黃曰遠行曰邁

山谷勢多端雲門

轉絕岸積阻霾天寒

洙曰爾雅釋天風而雨土為霾

寒峽不可度我實

一作貧

衣裳單况當仲冬交

師曰甫自秦至此已十一月故云仲冬交甫於詩皆以年

月紀欲後世有所考其行止
也 不然何以謂之詩史乎
沂泓增波瀾野人尋煙語

行子旁水餐此生免荷戈

鄭曰荷何佐切負也洙曰侯人詩荷戈與及蘇曰劉肅退

居嵩嶺恬然自樂謂兒侄曰爾輩當勉力并春此生何望青雲致身儻免荷戈執戈其幸亦非細

未敢

辭路難

法鏡寺

乾元二年作

補注

鶴曰同上是乾元二年作詩云愁破崖寺古意尚在秦州也

身危適他州

黃曰身危謂避闕輔之飢也

勉強終勞苦

蘇曰陶侃勉強仕宦終亦

勞心苦力但歸老田園養此疲筋可矣

神傷山行深

秦曰山行深謂經九曲坂頗令人傷神

補注

希曰荀藥妻亡不哭而神傷

愁破崖寺古嬋娟碧鮮淨

朱曰吳都賦禮

藥嬋娟玉潤碧鮮謂竹趙曰碧鮮言竹也竹謂之嬋娟唐孟郊有三嬋娟詩曰竹嬋娟月嬋娟人嬋娟也

補

注

希曰竹謂之嬋娟蓋起於楚辭初放云便娟之脩竹兮寄生於江潭注便娟好貌

蕭滅寒箴

聚

鄭曰撼子六切又所隔切洙曰謝靈運詩初篁苞綠箴盧子諒詩撼撼芳葉零

回回山根水

洙曰山一作石劉公幹詩回回自昏亂

冉冉松上雨洩雲蒙清晨

洙曰魏都賦窮

岫泄雲日月恒翳顏延年詩泄雲已漫漫多雨亦淒淒田曰洩與泄同泄猶出也

初日翳復吐

洙曰曹子建詩微陰翳陽景

朱薨半光炯

鄭曰薨謨耕切炯古迴切光也

戶牖榮可

數

色主

拄策忘前期出

一作高

蘿已亭午

洙曰天台賦羲和亭午定功日

廣雅曰

寅寅子規叫

洙曰子規一名杜宇蜀人以為望帝魂趙曰谷說云望帝化為子規

補注

希曰子規春鳥也春深乃鳴今仲冬之交而其聲已聞地氣之暖使然也公去秦以赴南州之暖可

見矣微徑不復取

師曰甫欲少憩此寺奈聞子規聲起人思鄉况徑陌微窄難以取就一遊於是

前邁故云云

青陽峽

乾元二年作

補注

鶴曰詩謂之塞外又謂東笑蓮花卑則非秦地矣又云作憶踰隴阪當是乾元二年

作

塞外苦厭山南行道彌惡

師曰天下山惟南最多甫自秦適同谷是自北之南也

固巒相經亘

洙曰盧子諒詩
固巒挺茂樹

雲水氣參錯

洙曰謝靈運
詩遡流觸驚

急臨折

林迴峽角來天窄

一作穿

壁面削磧西五里石

鄭

碣苦寒反
今作溪

奮怒向我落仰看日車側

洙曰後漢李尤九
曲歌安得力士翻

日俯恐坤軸弱

蘇曰張化曰日車轉側義和無功趙曰
淮南子注曰乘車駕以六龍坤軸即地

軸也此言落石之聲勢以其聲震天而日車
為之側其勢可以壓地而坤軸為之弱也

魑魅嘯有

風

魑丑知切魑明秘切洙曰天台賦始經魑魅之塗鮑
明遠蕪城賦水魑山鬼野鼠城狐風啤雨嘯昏見晨

趨蘇曰何遜詩林間夕風生隔水魑魅嘯
工部言亂世無正人使魑魅向風而嘯

霜霰浩漠漠

昨憶踰龍坂

洙曰四愁詩欲往從之龍坂長趙曰漢書
天水郡注有大坂名曰龍坂偶曰秦州記

曰隴坂九曲高秋視吳岳秦伯曰周禮雍州其鎮曰嶽山注云吳岳也漢志吳山在

汧縣西彭曰國語謂之西東笑蓮花卑見蓮峰望忽開注北知

吳秦都咸陽以為西岳

崆峒薄

見聊欲倚崆峒注

補注

希曰吳岳在隴州廣雅曰岳謂吳岳也頂五峯周禮職方氏雍

州山曰岳漢書地理志吳岳在汧縣西古文謂之州秦

都咸陽以為西岳此公自華之秦時所見也吳岳之高

東卑蓮峰北薄崆峒今之青陽峽猶見其超然侔壯觀

突兀超人也

蓮峯在泰山崆峒在岷州

超然侔壯觀

古亂切洙曰景福殿雖咸池之壯觀夫何足以比

離趙曰言青陽峽山超峙而起可侔吳岳之壯觀已謂

殷寥廓殷音隱洙曰天台賦太虛寥廓而無闕

突兀猶超人及茲嘆冥冥

嘆一作欲趙曰謂至其超人之際嘆神造之冥冥而不可測也

補注杜詩

龍門鎮

乾元二年作

補注

鶴曰龍門鎮在河南縣然非秦州往成州之路詩又云沮洳棧道濕殆是成州亦有

鎮與之同名又詩云防虞此何及嚴礪元和中嘉陵江二百里通漕以饋成州成兵其在此與

細泉蕪輕永沮洳棧道濕

洳曰魏汾沮洳潤濕之處故為沮洳漢高紀燒絕棧道師

古曰棧即閣也今謂之閣道

不辭辛苦行迫此短景急

洳曰舞鶴賦急景凋年歐

曰短景急言日短急於奔程也

石門雲雷

一云雪雲隘一作

古鎮峯巒集旌

竿暮慘澹風水白刃澁胡馬屯成皋

趙曰成皋鞏落之地意言安史之兵

耳舊以回紇非也是時乾元二年之冬回紇未反不可妄引也

補注

鶴曰胡馬指史思明按史乾元二年

九月庚寅思明陷東京及齊汝鄭滑四州

防虞此何及

洙曰言已後時矣

嗟爾遠戍

人山寒夜中泣

洙曰陸士衡詩苦哉遠征人拊心悲何如

石龕

乾元二年作

補注

鶴曰石龕在成州近境同是乾元二年作

熊羆咆我東

咆蒲交切

虎豹號我西

洙曰魏武帝苦寒行熊羆對我蹲虎豹夾路啼

號胡補注

希曰楚辭招隱士虎豹闕兮熊羆咆又九思將升兮高山上兮猿猴將入兮深谷下有

兮虺蛇左見兮鳴鵠右覩兮呼集

我後鬼長嘯我前狻

又啼

鄭曰狻而中切獸也山鬼雨嘯見前蘇曰楊大年云狻之形似鼠而大尾長作金色生川峽深山中

人以藥矢射殺之取其尾為卧褥鞍被坐穩之用狨甚
愛惜其尾既中毒即嚙斷其尾以擲之惡其為身害也
蓋輕捷善緣木猿之類趙曰四我乃公之新格劉
琨扶風歌止曰鹿遊我前猿戲我側兩句而已

天寒

昏無日山遠道路迷

蘇曰梁諤入黔中山遠林茂鳥
道敎危煙霧冥暗咫尺路迷

驅

車石龕下仲冬見虹霓

蘇曰惠帝時仲冬虹霓晝見三
日國政頽圯節令不時諸侯弄

權師曰虹陰氣也孟冬三月虹不見今
見於仲冬謂陰勝於陽有臣侵君之象

伐竹者誰子

竹

作補注

鶴曰黃庭經問
誰家子在我身

悲謠上

一作

雲梯

趙曰雲梯字
起於墨子曰

公輸班
為雲梯

為官采美箭五歲供梁齊

趙曰爾雅東南之美
者有會稽之竹箭也

梁謂汴州齊謂今之山東皆安史
之兵所在也故采箭以供官用矣

補注
希曰本禹貢注
筭箬美竹云可

以為箭自天寶十四載至今乾元二年為五年苦云直簳盡鄭曰簳口早切亦作寄無一作

應以充提攜洙曰仲冬之月日短至則言伐木取竹箭堅成極時蘇曰郭璞秋日攜杞菊親與大

鮑曰貧者無以獻耶奈何漁陽騎颯颯驚蒸黎趙曰漁陽騎指

言安慶緒之兵也祿山反長驅陷兩

京天下震駭故云颯颯如風之疾也

積草嶺乾元二年作

補注鶴曰詩云卜居尚百里休駕投諸彥邑有佳主人情如已會面則積草嶺在同谷縣

邊境公將到縣得縣令書故云

連峯積長陰詠曰謂草木陰翳也白日遞隱見鄭曰遞侍禮切更也見形甸切詠曰

大定四年

補注杜詩

十五

言日光映射
一有一無也
颼颼林響交慘慘石狀變山分積草嶺路

異明水縣

蘇曰劉安徵時為明水縣吏

旅泊吾道窮

希聲曰仲尼曰吾道窮矣王弼

曰仲尼旅人

衰年歲時倦卜居尚百里休駕投諸彦

洙曰江淹云金

閨諸彦蘇曰季尤休駕沐浴投諸英彦趙曰屈原有卜居篇諸彦出謝靈運擬鄴中詩序有云二三諸彦舊注

所引在後矣

邑有佳主人情如已會面

趙曰古詩古稱會面難

來書語

絕妙

蘇曰沈約得來書詞語絕妙筆墨遒勁無一糝塵俗氣味可愛

遠客驚深眷食薇

不願餘茅茨眼中見

洙曰陸士衡詩彷彿眼中人趙曰左太冲詠史詩飲河期滿腹貴足

不願餘

補注

希曰南史王或字景文素粲見之稱其風流或云景文比謝叔原猶為野父禁惆悵良久

曰但眼中
不見此人

泥功山

乾元二年作

補注

鶴曰唐去云成州寶應元年設吐蕃貞元五年於同谷縣之西境泥功山置行州自

秦至成不滿三百里涉兩月乃至為詩十有二
備言平告飢寒之狀觀其詩想其時為長太息
也

朝行青泥上暮在青泥中泥濘非一時濘乃定切版築勞人

功不畏道路

一作途

遠反將

一云乃將一云及此

汨沒同

趙曰公言反同版築

之人同汨沒
於泥中也

白馬為鐵驪

洙曰馬青色曰驪

小兒成老翁哀猿

一作

透却墜死鹿力所窮

趙曰詩野有死鹿故用之鹿之所以死以力窮於泥中走

也困寄語北來人後來莫忽忽

鳳凰臺

乾元二年作

魯曰此詩思見太平之君子也鄭曰酈道元水經注水南逕槃頭郡東而南合鳳溪水水上乘蜀水於廣業郡南涇鳳溪中有二石雙高其形若闕漢時有鳳凰止其上故謂之鳳凰臺北去郡三

補注

鶴曰乾元二年赴同谷時作

亭亭鳳凰臺

洙曰謝惠連詩亭亭映江月西京賦干雲霧以上達狀亭亭以迢迢師曰乃秦弄玉

與蕭史吹簫於此所謂鳳凰臺上憶吹簫是也端木曰亭亭高貌

北對西康州

鄭曰地理志河

北郡後周改曰鳳州領同谷舊曰白石置廣業郡西魏改曰同谷後周置康州大業初廢唐地理成州同谷郡武德元年以同谷置西康州貞觀元年州廢西魏槃頭郡亦唐興州之長舉縣也西伯今寂寞

鳳聲亦悠悠

洙曰西伯文王也西伯時鳳鳴於岐陽師

道自文王既沒鳳聲亦息而不聞是詩寓意傷當世賢者不進蓋鳳之為物有道則見無道則隱喻賢者出處之道山峻路絕蹤石林氣高浮安得萬丈梯為君上上頭

恐有無母鵲飢寒日啾啾我能剖心出飲啄慰孤愁心

以當竹實炯然忘外求血以當醴泉豈徒比清流所重

王者瑞敢辭微命休

夢符曰春秋元命苞周成王時大治鳳凰來舞於庭成王乃援琴而

歌鳳凰翔于紫庭余何德考以補注希曰爾雅釋鳳
感靈又瑞應圖曰鳳王者之嘉瑞郭云瑞應鳥鷄
頭蛇頸燕頤龜背魚尾五彩色天老曰出於東
方君子之國翱翔四海之外見則天下大安寧坐看綵

翮長舉意八極周自天銜瑞圖

一云圖識

飛下十二樓

洙曰十洲

記曰崑崙山有十二玉樓

圖以奉

一作獻

至尊

修可曰春秋元命苞黃帝遊元扈洛水之上注

元扈石室也與大司馬容光等臨觀鳳銜圖置帝前帝再拜受圖

鳳以垂鴻猷

邁曰鴻猷大道

也鳳乘鴻猷所以表大道

再光中興業一洗蒼生憂深衷正為此羣

盜何淹留

師曰此甫所以感鳳而思見賢人以致治平之效也

乾元中寓居同谷縣作七首

乾元二年作

魯曰同補注鶴曰公乾元二年十二月至同谷
州縣名補注以十二月入蜀寓居同谷才一月
耳

有客有客字子美

洙曰以其寓居故自稱有客子美甫字也

白頭亂髮

一云短髮

垂過耳歲拾橡栗隨狙公

洙曰按新史言甫居同谷縣拾招以自給兒女有至餓殍

者夢符曰右按列子宋有狙公愛狙而養之先誑之曰與若芋朝三而暮四足乎衆狙皆起而怒俄而曰與若

芋朝四而暮三足乎衆補注鶴曰莊子狙公賦芋曰朝狙皆伏而喜注芋栗也補注鶴曰暮四衆狙皆怒疏曰芋

橡子也似栗而小史謂云客秦州負薪采橡栗自給豈獨在秦然也令殆至成亦然天寒日暮山

谷裏中原無書歸不得手脚凍皴皮肉死

鄭曰皴七倫切皮細起也

師曰甫自傷饑寒不得歸鄉悲
風為生天為之與動况人乎

嗚呼一歌兮歌已哀悲

風為我從天

一作東

來

其二

長鏡長鏡白木柄

鄭曰鏡云犁鐵

鋤銜切吳人說文銳也

我生託子以為

命黃精

一作黃獨

無苗山雪威

蘇曰木相

貧居嘉陽常負鏡米黃獨一日雪威不獲黃精

當作黃獨往時儒者不解黃獨改作黃精魯直云以予攷之黃獨是也本草緒魁注肉白皮黃也漢人熟食之

山東人呼為土芋江西人呼為土外蕉食之類芋魁

補注

希曰諸本皆作黃精一本作黃獨王內翰故云

一作黃獨本草芋條下云芋魁一名黃獨山雪一本作山日芋得日照則其苗損而下實故公云無苗山日威

鶴曰本草云黃精久食輕身延年故河南歲貢今公寓
同谷已是仲冬則山日無應云威芋又已收意只是採
黃精亦猶拾橡栗也黃精是時無苗又值山雪之盛所
以有子空歸來之句若芋則種有定所不勞負饒入山
矣短衣數挽不掩脰鄭曰胡定切脚脰也洙曰寧戚叩角歌曰短布單衣不及其肘此
時與子空一作歸來男呻女吟四壁靜洙曰相如家居徒四壁立鳴
呼二歌兮歌始放閭一作鄰里為我色惆悵洙曰首章天哀其窮次章
人亦哀其窮矣師曰閭里尚
為之惆悵况親戚舊故乎

其三

有弟有弟在遠方

一作各一方

三人各瘦何人強

洙曰後漢趙孝弟禮

為賊所得將食之孝自縛請賊曰生別展轉不相見日

樂府他鄉各異縣展轉不相見胡塵暗天道路長洙曰詩道阻且長東飛駕鵝

後鵝鵝鄭曰駕古牙切鳥名鵝七由切鵝七剛切洙曰揚雄傳宜駕鵝之能捷鵝鵝惡禽也鵝九頭詩

有鵝補注鵝曰楚辭諺諫畜兔駕鵝雞驚滿堂壇芳注在梁補注鵝曰楚辭諫畜兔駕鵝雞驚滿堂壇芳注

羣晨雜鵝鵝今公云喻史思明據東都也安得送我置汝傍嗚呼三歌兮歌

三發汝歸何處收兄骨洙曰收一作取信三十二年殺

時已窮而已而兄弟之親亦莫知其存云

其四

有妹有妹在鍾離

魯曰地理志濠州鍾離郡

良人早歿諸孤癡長淮

浪高蛟龍怒十年不見來何時

一作遲

扁舟欲往箭滿眼

杳杳南國多旌旗嗚呼四歌兮歌四奏

一作竹林

為我啼

清晝

洙曰猿非有情者而亦為之啼則窮可知矣蘇曰舊作竹林後人改為林猿今本皆因之蔡條云崇

寧間有貢士同州來籠一禽大如雀色正青善鳴問其名此竹林鳥也少陵於詩必紀其處以明風俗方物詔於後人豈易改也師曰猿乃無知之物今為我啼蓋哀傷之至也

其五

四山多風溪水急寒雨颯颯枯樹濕

一云樹枝濕

黃蒿古城

雲不開白狐

一云玄狐

跳梁黃狐立

鄭曰跳徒聊切躍也

我生胡為在

窮谷中夜起坐萬感集

洙曰謝靈運詩千念集日夜萬感盈朝昏王康琚詩哀風中夜

起補注

希曰書中夜以興陸士衡中夜嘆息

嗚呼五歌兮歌正長魂招不

來歸故鄉

洙曰招魂曰魂兮歸來師曰甫身雖寓同谷而魂夢未嘗忘故鄉可謂思鄉之甚也

其六

蘇曰六誦一篇為明皇作也明皇以至德二年至自蜀居興慶宮謂之南內明年改元乾元時持盈公主往來宮中李輔國常陰候其隙間之故上元二年常遷西內

南有龍芳在山湫

逸曰湫龍潭也

古木龍嵒枝相樛

鄭曰龍盧紅切嵒子

紅切洙曰劉安招隱士桂樹生叢兮山之幽偃蹇連卷
兮枝相樛山氣龍嵒兮石差峩斂功曰樛乃枝曲下垂

晚

木葉黃落龍正蟄

洙曰秋風解草木黃落鴈南飛

蝮蛇東來水上遊

蝮芳福切洙曰招魂曰蝮蛇蓁蓁斂修曰龍補注希曰
蟄喻天子失勢蝮蛇東來喻祿山從山東來南有
龍喻玄宗在南內木葉黃落龍正蟄喻玄宗蒙塵蝮蛇
東來謂史思明陷魏州非喻祿山從山東來是時祿山
死久矣我行怪此安敢出拔劍欲斬且復休嗚呼六歌兮

歌思遲

思相吏切洙曰一作怨遲

溪壑為我回春姿

洙曰鄒衍被讒仰天而泣五月

為之降霜則士之怨憤足以感通於造物而然矣

其七

男兒生不成名身已老三

一作十

年飢走荒山道補注

希

三年飢走謂自天寶十五載避亂至今也

長安卿相多少年富貴應須致身

早

師曰肅宗中興所用皆後生晚進元勳舊德如郭子儀尚見齟齬它可知也故云云

山中儒生

舊相識但話宿昔傷懷抱嗚呼七歌兮悄終曲仰視皇

天白日速

洙曰江文通詩青春速天機素秋馳白日傷時不我留也師曰云白日速蓋傷日月逝矣

歲不我與所謂富貴不來年少去是也

發同谷縣

乾元二年作

鄭曰同州縣名師曰乾元二年甫寓同谷屬同谷餓歎又自同谷入蜀此詩以下皆公道紀行

補注

鶴曰為同谷郡治同谷公以乾元二年十一月至不盈月遂行趙許成都府詩云公

嘗自注此詩云乾元二年十二月一日自隴右赴劔南不知據何本而云然水會渡詩云微月

已沒久則發於一日或是

賢有不黔突聖有不暖席

洙曰文子曰墨子無黔突孔子無暖席

補注希

淮南子務脩訓曰孔子無黔席班固答賓戲曰孔席不暖墨突不黔二書雖異文而意皆聖賢之不安逸也

况我饑愚人焉能尚安宅

洙曰聖賢尚不免此吾豈能安宅乎

始來茲山

中休駕喜

一作嘉

地僻奈何迫物累一歲四行役

大臨曰詩父曰

嗟于季行役師曰一歲之中凡四行役夏發華州十一月離秦州故詩云漢源十月交十一月至成州故云仲

冬見虹霓十二月
發同谷故云云

仲仲去絕境杳杳更遠適停慘一作

龍潭雲迴首白崖石

一作虎崖

臨岐別數子握手淚再滴

一作

江淹詩醵酒送征
人握手淚如霰

雖舊情深知

洙曰一云交情無舊深
趙曰公於同谷寓居未

久蓋多新交而惜別之
情則如故舊之深遠

窮老多慘戚平生懶拙意偶值

棲遁跡

洙曰郭景純詩京華
游俠客山林隱遁棲

去住與願違

趙曰嵇康云
事與願違

却慙林間翮

洙曰陶潛遲遲出林翮蘇曰裴曄法注不
能如願四海干戈未息出門無食仰見飛

鳥顧子曰吾弗如此物羽翮飲棲出入自得長嘆久之
孝祥曰林間鳥尚得林憩而南奔走無定居反有媿於

林間之
翮乎

木皮嶺

乾元二年作

補注

鶴曰嶺在成州之西境入蜀忙道經此詩云季冬攜童稚辛苦赴蜀門當是乾元二

年十二

月作

首路栗亭西

洙曰首音狩謂命車向西行也

尚想鳳皇村

馬曰依悵不忍去之意

補注

鶴曰栗亭鳳皇村皆在成州公嘗賦鳳皇臺詩云亭亭鳳皇臺北對西康州地理志云同谷縣置西

康州則臺與村在成州之北而栗亭在州東也

季冬攜童

一作幼

稚辛苦赴蜀門

魯曰即劍門也

南登木皮嶺艱險不易論補注

鶴曰蜀在成都之南故曰南登

汗流被我體

洙曰喻蜀嶺流汗相屬大觀曰漢史汗流浹背

祁寒為之暄

洙曰書冬

欽定四庫全書

補注杜詩

三

祁寒速岫爭輔佐千巖自崩奔

洙曰雪賦瞻山則千巖俱白謝靈運詩圻岸屢崩奔

始知五岳外別有

一作見

他山尊

趙曰張昶華山碑云山莫尊於岳

仰干

一作看

塞大明俯入裂厚坤

師曰自速岫爭輔佐以下託意識祿山不知君臣之義岫

尚左右輔佐此山之尊千岳為之崩奔如千官奔走以趨王事者也別有他山尊喻祿山僭稱帝號大明君道也仰干塞大明言祿山自高大干犯國紀而掩蔽於君俯入裂厚坤言郡縣之地為祿山所割據也

再聞

虎豹關

洙曰劉安招隱士虎豹關兮熊羆咆蘇曰徐庶見孔明曰虎豹再關必有一傷先生何法以格

之孔明曰使三分即無關矣

屢踟風水昏高有廢閣道

洙曰棧道也

摧折

如短棘

短一云斷

下有冬青林

洙曰今之梗柵也鮑曰木名經冬不凋今所在多有之

石上走長根西崖特秀發煥若靈芝繁潤聚金碧氣

洙曰

蜀都賦金馬馳光而絕影碧難條忽而曜儀連珠金碧之富必屏鳳舞之使

清無沙土痕憶

觀崑崙圖

一作墟

目擊玄圃存

洙曰玄圃涼風在崑崙中見淮南子災曰莊子目擊

而道存南史梁簡文自於玄圃講老莊

補注

希曰崑崙第二級名曰玄圃周穆王駕八駿之乘升崑崙

之正賓於西王母觴於瑤池之上又神仙傳曰崑崙一名玄圃一名積石瑤房一曰閭風室一曰華蓋一曰天柱又楚辭天問崑崙縣圃其虎安在注崑崙山名在西北元氣所出其巔曰縣圃縣圃乃上通於天也

對

此欲何遮默傷垂老魂

白沙渡

乾元二年作

補注

鶴曰渡之水逕樂頭郡東南合鳳溪水上乘蜀水於廣業郡者也又唐志云元和

中節度使嚴礪自興州長舉縣西流嘉陵江二百里通曹以饋成州戍兵詩作於乾元二年十

月二

畏途隨長江

洙曰莊子畏途者十殺一人則父子兄弟相戒蒨曰釋文云險阻道可畏懼者也

渡口下絕岸

趙曰海賦絕岸千丈

差池上舟楫

差初加切

杳窅入雲漢

天寒荒野外日暮中流半我馬向北嘶

洙曰古詩胡馬嘶北風

山猿

飲相喚水清石礪礪

魯水切

沙白灘漫漫

洙曰沈休文歸海水漫漫

迴

一作然洗愁辛

蘇曰王夷甫得書洗我愁辛

多病一疏散

蘇曰嚴助遊陸渾山

歎曰多病無聊來此
疏散以釋沈鬱之興
高壁抵嶽釜洙曰一作岑嶽去洪

濤越凌亂

洙曰曹植泛舟越洪濤惠連清波時凌亂

臨風獨回首

蘇曰王筠臨風長想

英猷時復攬轡復三歎
朋曰范滂攬轡慨然有澄清天
回首東望
記一唱三歎師曰甫遭亂離故志於奔走羈旅是以有
范滂澄清之志奈何時不見用亦止於再三咨嗟傷不
得其志也

水會渡

乾元二年作

魯曰一云補注
鶴曰渡名水會即前所謂合鳳

水回渡

元二年十二月初至此

山行有常程中夜尚未安

蘇曰寇恂中夜悲愁不得安寢

微月沒已久

崖傾路何難

宋曰謝靈運詩崖斷路人馬不通如逢泥木去住多難趙

曰丘希範云

大江動我前

宋曰謝玄暉詩

淘若溟渤寬

宋曰鮑明遠詩

篙師暗理楫

宋曰謝靈運詩理棹遙還期夢符曰右按左太冲吳

都賦篙工楫師選自閩禺習御長風狎

謔笑輕波瀾

蘇曰

謝眺新城路上詩吳兒

霜濃木石滑風急

一作

手足寒

入舟已千憂

宋曰謝靈運詩

陟巘仍萬盤

宋曰詩陟則在巘趙曰微

陸士衡詩仰

迴眺

一作

積水

一作

外補注

鶴曰常是作積石蓋積石

山在河州而成與岷河鳳三州不遠河州又始知衆星

有鳳林縣疑是鳳溪鳳州鳳皇村同得名

乾遠遊令人瘦衰疾慙加餐

洙曰古詩思君令人老又
妨力加餐飯謝靈運衰疾

當在斯揚曰曹子建沈憂令人
老又吾得行遠遊遠遊欲何之

飛仙閣

乾元二年作

補注

鶴曰自此上棧道矣飛仙
以言其高乾元二年作

土門山行窅

土一作
作出

微徑緣秋毫

洙曰一云徑微上秋毫
蘇曰張儀過太行曰微

逕穿雲仰視緣
雲若秋毫蟠折

棧雲闌干峻梯石結構牢

洙曰見新亭
結構罷注

萬壑欹疏林

一作竹趙曰顧
愷之萬壑爭流

積陰帶奔濤寒日外淡泊

長風中怒號

洙曰莊子風作則萬竅怒號

歇鞍在地底始覺所歷高

往來雜坐卧人馬同疲勞

蘇曰李陵人疲馬勞一日三戰

浮生有定分

饑飽豈可逃

蘇曰吳律飢飽禁瘁人之定分非所苟欲可得也

歎息謂妻子我

何隨汝曹

洙曰馬援傳吾欲使汝曹聞人過失如聞父母之名

五盤

乾元二年作

魯曰謂棧道盤曲有五重補注

鶴曰在漢中郡之境乾元二年作

五盤雖云險山色佳有餘

洙曰陶潛詩山氣日夕佳

仰凌棧道細

洙曰

道一作閭漢祖入漢中燒絕棧道

俯映江木疏地僻無網罟

蘇曰宋玉出遊見山

鳥自得玉歎曰此中林幽地僻趙曰楊雄無網罟彈射空爾盡其天年也水清反多魚

則無魚公據所師曰淵明云鳥倦飛而知見而反用之也好鳥不妄飛還甫自傷奔走曾好鳥之

不若野人半巢居洙曰禮運冬居槽巢王康琚皆在太也平時亦有巢居子選巢居知天寒

喜見淳樸俗天啓曰莊子坦然心神舒東郊尚格鬪蘇

范曾東郊金革不息尚思格鬪戰巨猾何時除洙曰滿目政散民流田畝蕪沒寧不心痛東京

賦巨猾故鄉有弟妹流落隨丘墟洙曰曹子建詩成都間廩零落隨丘山

萬事好豈若歸吾廬洙曰古詩行客雖云樂不如早旋歸李白詩錦城雖云樂不如早還

家

龍門閣

乾元二年作

卷六

補注

洙曰前詩云高有廢閣道道即棧也或云棧或云閣非樓閣也乾元二年作

清江下龍門

魯曰按地理志施州青江郡

補注

鶴曰水經云水色清照十丈故名龍門即

龍門鎮所謂沮洳棧道濕茲云閣者在山巔彼所謂沮洳港水之下流蓋龍門之山盤紆連亘為廣所以名列

數絕壁無尺土

趙曰謝靈運云晨策尋絕壁

長風駕高

一作浪洙曰郭景

純詩吞舟浮海底高浪駕蓬萊

浩浩自太古

洙曰古詩浩浩陰陽移

危途中縈盤

縈盤道

仰望垂線縷滑石欹誰鑿浮梁棗相柱

洙曰西京

賦峙遊極於浮柱趙曰滑石自是石之滑浮梁自是梁之浮舊注所引雖傍見而其義非也

目眩隕

雜花頭風吹過雨

洙曰一云過飛雨趙曰滑石之歆浮梁之象皆難行之地故目生眩頭生

風矣目眩出史心亂目眩目昏眩如見雜花之墮落頭風出魏太祖讀陳琳檄草頭風自愈頭或生風如過雨

之吹皆言其地險絕而然也

百年不敢料

洙曰潘安仁詩人生天地間百年孰能要補注

希曰諸葛亮死軍中人為之語死諸葛亮走生仲達宣王曰吾便料生不料死也

一隊

洙曰隊與墜同

乃得取飽聞

一作

經瞿塘

洙曰瞿塘峽名

足見渡大庾

洙曰大庾嶺名

趙曰以龍門閣之險峻推言而比之也瞿塘峽在巫山之下大庾嶺在虔州之前

終身歷艱險

恐懼從此數

師曰瞿塘大庾不若此閣道為險之至甫至此恐懼若屈指數險阻之處當從此為

始也

石櫃閣

乾元二年作

補注

鶴曰詩云季冬日已長當是乾元二年十月初涸之後也自此方入蜀故曰蜀道

多草

花

季冬日已長

唐曰日自至節後旋長宮中以紅線量日影長至日添一線

山晚半天

赤

何曰謂反照也

蜀道多草花江間饒奇石

洙曰江淹詩崦山多靈草海濱饒奇

石

石櫃曾波上臨虛蕩高壁

夢符曰郭璞江賦迅雖臨虛以騁巧孤攬登危而雍

容

清暉回羣鷗

洙曰謝靈運詩山水含清暉

暝色帶遠客

洙曰謝靈運林壑歛

色

羣栖負幽意感歎向絕跡信甘孱懦嬰

鄭曰孱切懦奴卧切

弱不獨凍餒迫優游謝康樂

洙曰晉謝玄暉也修可曰謝玄暉封康樂公孫靈運

襲其封與何長瑜等以文章賞會共為山澤之遊詩家稱康樂乃靈運非玄暉也以南史考之謝靈運云謝渾為韻語獎勸靈運等曰康樂誕通度實有名家韻因是詩注以康樂為謝玄暉故詳辨之云

放浪陶

彭澤

洙曰陶潛為彭澤令

吾衰未自由謝爾性有適

洙曰有一作所師曰謝陶

輩優游放浪無所繫滯令甫未能自由於二子適性之樂頗有感焉

桔柏渡

乾元二年作

鄭曰桔補注

鶴曰當是蜀之衆水於此會而下居屑切補注荆南故詩云東逝不可要高通荆

門路闊會滄海潮又峽程記云瀘合遂蜀四州皆峽之郡自巖江桔柏池導等渡至此二百八

十江會于峽前云云
則桔柏乃江之名

青冥寒江渡

趙曰楚辭據青冥而據虹青青冥冥高遠之貌

駕竹為長橋竿濕

煙漠漠

洙曰一云竹竿濕漠漠謝靈運詩生煙紛漠漠

江水風蕭蕭

洙曰水一作永荆軻

饒易水風蕭蕭兮易水寒

連竿動嫋娜

鄭曰竿側拍切嫋娜奴可切洙曰連竹索而為梁

謂之竿前漢邛笮之君

補注

鶴曰成都之窄橋即此類也

征衣颯颯急流搗

鷁散

鵠博好切鷁五歷切洙曰西都蒼鷁鷁趙曰郭璞上林賦注曰似鴈无後趾也

絕岸鼉

鼉驕

魯曰鵠喻橋梁也驕壯也鼉

西轅自茲異東逝不可要

高通荆門路闊會滄海潮孤光隱顧眄遊子悵寂寥無

以洗心胷前登但山椒

洙曰桔柏乃文州嘉陵二江合流處也東下入渝合通荆門矣

蒼舒曰右按廣韻椒山頂文選稅鑾登山椒十朋曰謝惠連詩悲猿響山椒漢武帝李夫人賦釋馬山椒廣雅

曰土高四墮曰山椒謝莊月賦菊散芳於山椒

劔門

乾元二年作

魯曰自蜀出漢中皆自是故以門名補注按唐背有閣道在梓潼郡東北蜀之險會

志劔門縣在劔州乾元二年作文選張孟陽劔閣銘惟蜀之門作固作鎮是曰劔閣壁立萬仞

惟天有設險

洙曰北有劔門天設之險蘇曰許袞關河阻絕乃天設險以全其封疆孝祥曰易天

險不可升地險山川丘劔閣一作

天下壯

蘇曰嚴助至陵王公設險以守其國

乃嘆曰天下壯險扼連山抱西南石角皆北向洙曰劔

隘喉衿莫過此關也山土石

皆北向如拜伏狀趙曰此言蓋謂地形勢雖險而趨中

原自然之勢觀劔門山雖抱西南而石角北向則有面

內之兩崖崇墉倚趙曰詩其崇如墉張協刻畫城郭狀

義洙曰蜀都賦金城石郭燕匝一夫怒臨關一作百萬未

中區既麗且崇實號成都

可傍洙曰蜀都賦一人守隘萬夫趨傍一作張孟陽珠玉走

中原蘇曰陳陟珠玉无岷峨氣淒愴洙曰岷青城山峨

玉之於中原必著走字者或曰古之言珠玉曰无翼而

飛无脛而行非謂人之所攜持若飛走也岷山在成都

之西青城山是也岷山在成都之西南我眉山是也遠

人困於誅求而淒愴之氣見於岷峨以二山無情之物

猶且悽愴則有三皇五帝前蘇曰王子淵三皇五帝前

也雞犬各相放洙曰相一云自蜀後王尚柔遠洙曰書

通職貢道已喪田曰朱雲諸侯分權擅據至今英雄人

蘇曰章邯遂使英高視見霸王于况并吞與割據洙曰

送流人至劔門箕踞四顧太息曰劉禪極力不相讓吾

將罪真宰趙曰莊子若有真宰意欲鏹疊嶂蘇曰袁盎

曰諸公欲鏹連疊恐此復偶然臨風默惆悵趙曰末四

情之辭矣師曰恐當肅宗中原未平之日偶復有為

割據之禍者是以臨風惆悵而為國家默為之慮也

鹿頭山

乾元二年作

彥輔曰按地理志漢補注鶴曰唐志德陽縣有鹿頭關必以山而得

名乾元二年作

鹿頭何亭亭補注

鶴曰九域志鹿頭關唐高崇文陷劉闢於此寰宇記曰自綿州羅江縣界

逸運入漢州德陽縣界古老云是日慰飢渴趙曰西都賦之言官

室曰狀迢迢以亭亭陸士衡連山西南斷俯見千里豁詩願保金石軀慰妾常飢渴

洙曰自秦入蜀川嶺重複極為險阻及下鹿頭關游子東望成都沃野千里葱鬱之氣乃若煙霞靄然

出京華劔門不可越

洙曰京華一云咸京蒼舒曰張孟陽劔閣銘曰惟蜀之門作固作鎮

是曰劔閣壁立萬仞酈道元水經注曰劔戍北去大劔三十里連山絕險飛閣相連故謂之劔閣田曰鍾會平蜀至綿谷語左校曰山川懸遠已盡咫尺及茲阻險盡劔門不可開越何計入蜀公可籌度

始喜原野闊殊方昔三分霸氣曾間發

間居覓切師曰昔魏吳蜀三分天

下劉備據此一方以建霸王之業

天下今一家

韓曰今肅宗中興天下已一家矣

雲端失

雙闕

夢符曰古樂府仙人篇閭闔正嵯峨雙闕萬丈餘又天台賦雙闕雲竦以夾路趙曰雲端祖出枚乘

樂府曰美人在雲端天路隔無期雙闕祖於元聖本紀曰許申欲觀帝意曰帝坐華堂面雙闕君之榮願得矣公詩言失雙闕者以天下既一家皆為悠然想楊馬繼臣屬故所僭擬天子之闕不復見矣

起名碑兀

鄭曰碑兀危石也洙曰左太冲蜀都賦江漢炳靈世載其英鬱若相如潯若君平王褒暉

欽定四庫全書

瞻而秀發揚雄
含章而挺生

有文一作才

令人傷

師曰揚馬二子皆蜀人有文章皆不顯用

於漢甫至此追思二子
亦若己之不遭其時也

何處埋爾骨紆餘脂膏地紆餘

廣遠貌脂膏地
言其肥沃也

慘澹豪俠窟

洙曰蜀都賦外負銅梁於岩渠內函要害以膏腴趙

日成都富饒之地故公指為脂膏也豪俠
窟見郭璞云京華遊俠窟公變其字爾

杖鉞非老臣

宣風豈專達冀公柱石姿論道邦國活斯人亦何幸公

鎮踰歲月

趙曰公謂僕射裴冀公冕也言裴公為尹尚有歲月之期此斯人之所以幸也此句可以

見杜公初來成都甫注希曰按舊史裴日冕傳肅宗移
非為嚴武而來也不幸鳳翔罷冕知政事遷右僕射

兩京平以功封冀國公尋加御史大夫
克劔南西川節度使又入為右僕射

成都府

乾元二年作

修可曰是詩子美寓意深矣淮南子曰西垂景在樹端謂之桑榆也說曰桑榆之景理無遠照今也日薄桑榆而其光翳翳止足照我衣裳則不能遠照矣以喻明皇以太上皇居西內也初月不高出衆星尚爭光而喻肅宗即位未久而史思明之徒尚在也蓋肅宗立於天寶之丁酉而子美乾元庚子至成都以其時考之故補注知其寓意如此也鄭曰劒南西路蜀州也補注鶴曰公以乾元二年十二月至成都而玄宗以上元元年七月遷于西內今詩云季冬樹木蒼則是初到成都時作先明皇遷西內半年修可謂託意明皇遷西內肅宗即位未久而安史之徒尚在恐未必然

翳翳桑榆日

洙曰歸去來景翳翳以將入東觀記叔之桑榆江淹曾是迫桑榆歲暮從所東趙曰

桑榆晚日也

照我征衣裳

蘇曰團團江上月照我征衣裳趙曰阮嗣宗詠懷詩曰灼灼西隤日

餘光照我衣

我行山川異忽在天一方

蘇曰曹植與陳琳疏曰昔與子西園聯鑣

游泳語笑嚮今忽睽別在天一方後會邈然莫可得也古詩各在天一方劉云成都偏在西故云天一方但

逢新人民

洙曰曹子建不見舊耆老但觀新少年山川阻遠別後會日月長

未卜見故

鄉大江東流去

洙曰謝玄暉大江流日夜

遊子去日長

洙曰短歌行去日苦多

曾城填華屋

鄭曰填陟刃切定也趙曰曾城層起之城淮南子云崑崙山上有曾城九重華屋

季冬樹木蒼

洙曰西都賦靈草冬榮趙曰前於發同谷縣題下公自注云乾元二年十二月一日

自隴右赴劔南紀行而今詩云季冬樹木蒼則至成都乃是月也
喧然名都會吹簫間

笙簧

洙曰曹子建名都多妖女信美無與適
宣登樓賦

雖信美而非吾土側身望川梁
洙曰四愁詩側身西望

河無鳥雀夜各歸中原杳茫茫
趙曰觀衆鳥識巢而夜

地而不
初月出不高衆星尚爭光
師曰初月喻肅宗初即位衆星喻安史之

徒與天
自古有羈旅我何苦哀傷
師曰此乃甫自窮之辭

補注杜詩卷六